

NAA MUDZIMU U YA

SHANDUKISA MUHUMBULO WAWE?

 . . . Mudzimu. Kha ri vhe ro ima ro kotamisa zwifhaṭuwō zwashu, lwa tshikhathinyana.

Khotsi ashu wa Ṭadulu, ri a U livhuwa nga zwithu zweṭhe zwa tshilidzi zwe Wa ri nea. A ro ngo eđanwa nga—nga iñwe ya phaṭhutshedzo Dzau. Idzi ngoho ndi phaṭhutshedzo ri songo dzi shumelaho dze ra dzi ṭanganedza. Huno ri rabela, Mudzimu, uri U do isa phanda na u vha na riñe. U tou tshimbila khadzo na u pfa uyu maya wavhuđi kha uyu muṭangano, ndi a zwi ḏivha uri zwi bva kha Iwe. Ngauralo ndi a rabela, Khotsi, uri U do isa phanda na u hulisa muṭangano madekwana a ńamusi, na Vhuhone Hau, na u fhodza vhoṭhe vha lwalaho na vha ḫupheaho. Zwi tendele. Ngavhe uvhu vhu tshi nga vha vhu—vhusiku vhuhulu vhune ri nga si vhu hangwe, nga n̄thani ha Vhuhone Hau. Ri a zwi humbela Dzinani la Yesu. Amen.

² Ndi ṭoda u farelwa kha u lengesa madekwe. Ndi do lingedza u ṭavhanya madekwana a ńamusi, nahone ngauralo uri ri nga ṭavhanya nahone—nahone ra rabelela vhalwadze. Zwavhukuma ndo di pfa zwavhudi nga ha muṭangano wa madekwe. Ho vhonala u nga ho vha na vhathe vhanzhi vhe vha fhodzwa. Huno ndo vha na thikhedzo khulwane, muthu muñwe na muñwe a khou rabela, nahone roṭhe. Ndi nga ndila ine ra ima. Ngauralo, Murena a ni fhaṭhutshedze. Zwino, ndi elekanya, matshelo nga madekwana ri do vha . . . ndi a humbulela vho no di zwi ḏivhadza. Ndi huñwe—huñwe fhethu. Ndi zwone.

³ Zwino kha ri vule kha Bugu ya Numeri, ndima ya vhu²², nga u ṭavhanya, u itela liñwalwa lituku, u fhirisa maredzwa maṭuku, huno zwenezwo ri ya u fhedza tshifhinga tshinzhī kha muduba wa thabelo.

⁴ Billy uri o nea tshivhalo tshinzhī tsha dzigaraṭa, madana mavhili kana mararu adzo. Huno zwi do dzhia u ḫutshela tshifhinganyana u dzi wana kha muduba wa thabelo, ngauralo ndi—ndi do tou amba miniti i si gathi, hu si u fhira miniti ya furaru, arali zwi tshi konadzea, huno zwenezwo nda thoma muduba wa thabelo, u rabelela vhalwadze. Kha Dioteronomio, kha . . . Ni mpfarele.

⁵ Numeri, ndima ya vhu²² na ndimana ya vhu³¹, ndi tama u vhalo hezwi.

Huno *MURENA a bonyolosa maṭo a Biliamu, a vhone muruñwa wa MURENA o ima ndilani, huno o fara banga*

*nga tshañda: huno a kotamisa t̄hoho yawe, nahone a wa
nga tshifhañuwo.*

⁶ Zwino hezwi zwi pfala sa linwalwa liñuku li tshuwisaho la u—ne a vhuimo na u vha na tshumelo yashu ya phodzo. Huno ndi khou ya u lingedza u vha na muduba wa thabelo u thoma nga iri ya vhuñhe kha tshithoma, arali zwi tshi konadzea. Zwino ndi toda u dzhia therò madekwana a ñamusi: *Naa Mudzimu U Ya Shandukisa Muhumbulo Wawe?*

⁷ Ni a ñivha, ri nga shandukisa mihumbulo yashu, nahone ngauri ri—ri a guda zwe fhambanaho zwiñuku, ri a ñivha uri ro vha ro khakha.

⁸ Fhedzi a thi tendi uri Mudzimu a nga shandukisa muhumbulo Wawe. Ngauri, arali A ralo, zwenezwo zwavhukuma A nga si vhe a si na magumo, nahone A nga dzhia tsheo ya khwiñe arali A nga u shandukisa. Ngauralo A... Lutendo lune nda vha nalwo Khae, uri—uri A nga si shandukise muhumbulo Wawe. Ngauri arali Mudzimu a vhuya a dzhia tsheo, U tea u dzula na yeneyo tsheo. Ni a vhona? Huno tshifhinga tshothe thaidzo i fanaho i tshi ña, U tea u ita nga ñqila i fanaho na Ye a ita tshifhingani tsha u thoma, kana O ita zwe khakheaho tshifhingani tsha u thoma. Ni a vhona? Ngauralo zwi ri ñea hunwe fhethu u vha na—na mutheo wa lutendo. Zwino ri nga si vhe...

⁹ Ee, lutendo a lu tou vha ñari lo omaho tshiñwe tshithu, tshine na nga tshi fhufhisela nga *hafha* na huñwe fhethu. Ndi tshithu tshine na tea u vha na vhuñanzi. Tshi tea u dzingindela. Huno, zwino, ndi nga si tike lutendo lwanga kha muñwe muhumbulo. Lu tea u sumbedzwa mbuno phanda ha musi ndi tshi nga vha na lutendo.

¹⁰ U tou fana na munna a tshi ñanga mufumakadzi, wa u dzea. Mulandu, u, u tea u vha na lutendo kha uyo mufumakadzi ane a khou mu dzea, kana zwavhukuma a ñiitela khakhathi khulu. Ni a vhona? Zwenezwo u tea u, u tea u vha na lutendo, iñwe mbuno yo khwañhaho, luñwe lutendo lwa tikwa khayo; kha ipfi lawe, kha zwe muñwe muthu-vho a amba, kana tshiñwe tshithu. U tea u vha na tshiñwe tshithu tsha u vhea tshifhañuwo tshawe khatsho, lutendo lwave khatsho.

¹¹ Ngauralo ndi pfa hezwo, u ñangana na Mudzimu, hu tou vha na tshithu tshithihi tshine nda nga tika lutendo lwanga khatsho nahone ndi Ipfi Lawe.

¹² Ngauri, ri na mihumbulo yo fhambanaho, kañukuñuku rothe. Ri dzula phasi na uya u amba nga ha tshiñwe tshithu tsha u la, mulandu, ri do fhambana kha tshiñwe tshithu tsha u la; huno ro itwa u fhambana, madzangalelo ashu o fhambana. Huno zwenezwo-ha zwi ita zwivhidzo zwashu, ri vhona zwe fhambana kha mihumbulo yazwo kha zwe lulumaho na zwi

songo lulamaho. Izwo zwi ri nea, muñwe na muñwe, ndugelo ya u nanga.

¹³ Fhedzi, kha nne, ndi—ndi tenda uri Ipfi la Mudzimu lo lulama. Nahone a—a thi tendi uri ndi la inwe thalutshedzo ya tshidzumbe. Ndi tenda zwine La amba, uri ndi Ngoho. Huno ndi ndila ine nda li dzhia ngayo, kha mitheo ya Lone u vha Ipfi la Mudzimu. Zwino, a thi na lutendo lwo edanaho, khanwe, u ita lothe li shume, fhedzi zwavhukuma a thi ḥodi u ima kha ndila ya muñwe muthu ane a vha na lutendo lwo edanaho kha u ita uri Li shume.

¹⁴ Vhunga, sa tsumbo, Enoko o vha na lutendo lwo edanaho lwa uri ha nga fi. O tou dzhia u tshimbila nga masiari, huno o neta afha kha lifhasi nahone a tshimbila nthia uya Tađulu. Zwavhukuma ndi tama u vha na lutendo lu ngaho u lwo. Fhedzi ndi fulufhela uri ri do wana ulwo lutendo linwe duvha, vhunga ri khou aluwa Khae. Zwino lwashu . . .

¹⁵ Tsho itisaho uri ndi nange hafha fhethu, ngauri hu vhonala vhunga hafha, kha nne, ndi huñwe ha fhethu kha Bivhili hune ha nga vha ha—ha fhethu ha vhuñhogwa ha linwalwa madekwana a namusi, ngauri zwi vhonala u ngari Mudzimu o shandukusa muhumbulo Wawe, huno a vhudza Biliamu tshithu tshithihi tshine a tea u ita nahone zwenezwo a mu vhudza tshiñwe tshithu—who u tshi ita. Zwenezwo ndi elekanya, khanwe, lwa tshifhinganyana, ri do lingedza u onyolosa hezwi lwa tshifhinganyana, huno u vhona zwavhukuma zwe A mu vhudza.

¹⁶ Ngauralo zwino u sumbedza hezwi. Ri a zwi divha uri Biliamu o vha a—a—a muporofita. Huno Balaka o vha a khosi ya Moaba, nga itscho tshifhinga. Huno vho vha vha si vhadzia u sa tenda, nthia kha Moaba, vho shumela Mudzimu muthuhi ane Vhaisiraele a mu shumela. Ngauri, Vhamoaba, lushaka lwo thomaho nga vharwa vha Łoto, nga vhananyana vhawe, huno ngauralo vho shumela Mudzimu muthihi. Arali na dzhieala nzhele, zwithavhelo zwavho na zwithu zwothe zwe vha zwi tshi fana kokotolo, mbudzi, na dzingwana—vho, u amba nga u Vhuya lwa vhuvhili. Huno zwino arali zwa mutheo zwothe zwi zwone fhedzi zwine Mudzimu a ḥoda, zwenezwo Vhamoaba vho vha tshi tou vha mutheo kha zwiłavhelo zwavho sa zwine Vhaisiraele vha ita. Fhedzi ri wana vhone zwino, Vhaisiraele kha muduba wa u tevhela Ipfi la Mudzimu, kha shango le vha fulufhedziswa. Huno vha a da . . .

¹⁷ Afha zwi fanyisa wa mupo na wa maya, zwi tshi tangana. Huno musi wa mupo na wa maya vha tshi ḥangana, hu dzulela u vha na khuñano, ngauri zwi a khukhulisana. Huno Vhaisiraele hafha, vha, ndi ḥoda u tshi sumbedza sa Tshivhidzo tsha maya; na Vhamoaba sa tshivhidzo tsha mupo, tshivhidzo zwatsho—vho, tshine ra tshi vhidza, tshivhidzo tsha mupo.

¹⁸ Huno rōthe ri na ngoho uri hu na tshi—tshi tshivhidzo, nahone hu na Muselwa u bva kha itsho tshivhidzo. Ri a zwi divha hezwo, uri izwo ndi ngoho.

¹⁹ Huno zwi kuđana hafha. Huno ri dzhiela nzhele uri musi zwi tshi kuđana hafha, zwi da fhasi ha tshiñwe tshithu tshine nda tama u amba tshifhinganyana ngatsho. Nga u ṭavhanya musi zwi tshi kuđana, nahone tshiñwe tsha vhaba zwine tshiñwe tsha vha tshi khou ita, ho vha hu na u edzisela huhulu, ha tshiñwe kha tshiñwe.

²⁰ Huno ndi hune ra zwi wana ñamusi, uri ri wana u edzisela hunzhisa. Huno musi ni tshi ita hezwo, ni dzulela u di wana ni kha khakhathi. Ni nga si tshile vhutshilo ha muñwe muthu. Ri nga si edzisele tshiñwe tshithu. Ri tea u vha zwine ra vha zwone. Ni songo zwi ita (na khathihhi) u lingedza. Arali *uyu* muthu o ita tshiñwe tshithu; ngauri o tshi ita, ni humbula u tshi ita-vho, na inwi. Ni songo ita hezwo. Ni muthu ene muñe, kha Mudzimu. Nahone ri songo lingedza u edziselana.

²¹ Huno zwino, Vhaisiraele, kha ndila ya mushumo, vha tshi matsha kha ndila yavho kha ndaela, nga ndaela dza Mudzimu, kha shango la pfulufhedziso, vha kuđana na Vhamoaba, tshiñwe tshigwada tsha vhatendi.

²² Huno ndi fulufhela hezwi a zwi pfali zwo vhifha. Fhedzi tshifanyiso tshiñku tshine nda ṭoda u ita afha ndi, Vhamoaba vho dzudzanea fhasi kha shango, o vha a tshi nga mafhungo o dzudzaneaho. A na vhađivhalea vhawé, na vhahulisei vhawé vha... vha muvhuso wawé.

²³ Fhedzi Vhaisraele vho—vho vha vha tshi tou vha mutendeleki. Vho vha vha sa athu tou vha na fhethu ha uya. Vha tou tendeleka vhunga Murena o vha ranga phanda. Zwino, ndi a tenda, na nne—vho, Biliamu, mafhedziselon kha vhuporofita hawé, ha pfi, “Vhatu vha sa do vhaho vhukati ha dzitshaka. Vha do tou balangana.” Huno ndi zwine zwa dzulela u itea. Huno ri wanulusa, khudano i a da.

²⁴ Vhunga Kaini na Abele, vho vho vha na khudano. Huno vha murathu na mukoma na, nahone vhothe vhe vha mme muthihi, Efa. Huno ri wanulusa uri vho limuwa uri vha vhafaho, nahone vho bviswa kha Vhutshilo, nnda ha tsimu ya Vhutshilo. Huno vhothe vho vha vha khou lingedza u wana ndila ya u humela murahu Heneffo. Huno arali na dzhiela nzhele, vhothe vhatukana vho vha vha vha vhurereli. Kaini o vha a murereli vhunga Abele. Huno vhothe vha fhaṭa alitare, zwi songo ralo, tshivhidzo. Vhothe vha ita tshiñvhabelo. Vhothe vha rabela. Huno vha—vha shumela Mudzimu, vhothe, fhedzi muñwe wavho a Mu shumela lwo khakheaho.

²⁵ Zwino, ni a vhaba, ni nga vha kha vhungoho vhukuma huno zwo ralo na di vha kha zwo khakheaho. Ni nga khakha. “Huna ndila i vhabala yo lulama, fhedzi phedziselon i ndila ya lufu.”

²⁶ Zwino ri—ri vhona uri hezwi yo vha i ngoho kha Kaini na Abele. Huno musi vha tshi vhona . . . Kaini a vhona Abele tshithavhelo tshawe tsho ḥanganedzwa. Huno, ndi nga ima hafha u amba, ndi ngani Mudzimu o ḥanganedza tshiṭavhelo tshawe? Ndi ngauri o—o vha . . . Nga nzumbululo, o pfesesa uri ho vha hu si apula, kana ndi tenda zwino vha nazwo kha mawaṅwa avho kana tshiṅwe tshithu tshe vha ḥa tsimuni ya Edeni, tshe tsha vhanga tshivhi. Huno a wana Adamu . . . kana, ndi amba, Abele o tenda uri zwi (o) ho vha hu malofha. Ane, ngoho o vha a one. Huno Abele, nga nzumbululo, lutendo, o ḥetshedza kha Mudzimu tshithavhelo tsha khwiṅe u fhira tsha Kaini; tshire Mudzimu o ḥanziela ngatsho, uri o vha o luga. Ni a vhona? Huno Tshivhidzo tshoṭhe tsho fhaṭiwa kha nzumbululo ya Khethwa ya Ipfi ḥa Mudzimu. Yoṭhe . . .

²⁷ Yesu o amba ngauralo. Liṅwe ḫuvha, a tsa fhasi u bva thavhani, U vhudza vhafunziwa Vhawe, “Inwi ni ri N̄ne Murwa muthu ndi nnyi? Kana vhatu vha ri N̄ne ndi nnyi?”

²⁸ “Huno vhaṅwe vhavho vha ri, zwo ralo, U ‘Mushe,’ U ‘Eliasi,’ kana ‘muṅwe wa vhaporofita.’”

A ri, “Fhedzi inwi ni N̄ne ndi nnyi?”

²⁹ Huno Petro a ita tshiṭatamennde tshihulu, “U Kristo, Murwa wa Mudzimu a tshilaho!”

³⁰ A ri, “Mashudu iwe, Simoni, murwa wa Jonasi.” Huno afha hu na khanedzano khulu vhukati ha vhatendi.

³¹ Zwino tshivhidzo tsha Katolika tshi ri, “Henefho O—O fhaṭa Tshivhidzo Tshawe kha Petro, ngauri O ri, ‘Iwe u Petro,’ tombo liṭuku, ‘kha ili tombo, tombo liṭuku, Ndi ḥo fhaṭa Tshivhidzo Tshanga.’”

³² Zwo luga, zwino, Poretestanti vha tendesa uri ho vha hu kha Ene muṅe He a fhaṭa, kha Ene, Tombo ḥa Tshiuludza. Fhedzi, ni a vhona, O vha a Tombo ḥa Tshiuludza kha tshifhaṭo. Ndi tenda uri tshire A fhaṭa Tshivhidzo khatsho . . .

³³ Husi u fhambana, fhedzi, ni a vhona, mbudziso yo vha i, “Vhatu vha ri ndi N̄ne nnyi?”

³⁴ Huno Petro a ri, “U Kristo, Murwa wa Mudzimu a tshilaho.”

³⁵ A ri, “Mashudu iwe, Simoni, murwa wa Jonasi, nama na malofha a zwo ngo u dzumbululela hezwi. A wo ngo guda hezwi nga u ya kha seminari. Ni a vhona, a wo ngo guda hezwi nga huṅwe u swikela ha munna. Fhedzi Khotsi Anga, a re Tađulu, o u dzumbululela hezwi. Ni a vhona? Kha heli Tombo Ndi ḥo fhaṭa Tshivhidzo Tshanga, nahone khoro dza héle a dzi nga Tshi kundi,” nzumbululo ya muya ya Yesu Kristo, Ane a vha Ipfi. Zwenezwo i ḥo vha Ngoho yo dzumbululwaho ya muya ya Ipfi, kokotolo hune Tshivhidzo tsha awela.

³⁶ Ndi elekanya uri ndi zwe Abele a vha nazwo u rangani, nzumbululo ya muya uri ho vha hu si mutshelo wa tsimu kana

mishumo ya zwanda zwashu, kana zwiñwe-vho. Ho vha hu malofha. Huno a netshedza Mudzimu tshiñhavhelo tsha khwiñe u fhira—u fhira zwe Kaini a ita.

³⁷ Ri wana kha Abraham na Loto, zwithu zwi fanaho, kha u nanga, ngauri Loto o ya fhasi, musi tshifhinga tsho swika, musi ya tshimuya na—na tshivhidzo tsha mupo zwi da kha khudano, nga nthani ha vhalisa. Vha tea u fhandekana na muñwe. Huno hune hezwi zwa itea, zwi vhea vivho.

³⁸ Ri wanulusa uri Abele, ngauri o Mudzimu o mu tanganedza, huno A si tanganedze u netshedza huhulu havhuđi ha tshiñhavhelo tsha Kaini, tshe a tshiremela u konđa. Huno o vha a wa vhurereli, nahone a kotama fhasi a luvha, na zwiñwe-vho, o ita zwe Abele a ita, nga nnnda ha uri ha ngo vha na nzumululo ya zwine zwa vha ngoho. Ngauralo ri wanulusa, uri musi Mudzimu o tanganedza nzumbululo ya Abele na zwiñhavhelo zwawe, zwo ita uri Kaini a vhe na vivho kha Abele. Huno henefho ha vha na mupondi wa u thoma.

³⁹ Ri wanulusa uri vivho lo da vhukati ha vhalisa vha Abraham na Loto, nahone vho do tea u fhandekana.

Ri wanulusa uri Mushe na Kora vho kuđana, navho-vho.

Yesu na Yudasi vho kuđana.

⁴⁰ Huno vhunga tshifhinga tshothe, ndi zwithu zwithihi, huno ngauralo zwo ralo na ñamusi, tshivhidzo tsha mupo na tshivhidzo tsha maya zwi na khuđano musi zwi tshi tangana. Zwino, tsha mupo tshi lingeda fana na tsha maya, tshifhinga tshothe nga u edzisela ha ñama. Fhedzi, vhunga zwo ralo kha Isau na Yakobo, zwi nga si shume.

⁴¹ Mudzimu u na Tshivhidzo Tshawe tsho vhidzwaho, tsho rinwa, tsho vhetshelwa thungo. Huno kha murafho une Tsha khou tshila khawo, U do didzumbulula Ene Muñe Khatsho, tshifhinga tshothe, vhunga O amba kha Vharoma ndima ya vhu8, uri u divhelaphanda kana u ta hu ime ho khwađha ha Mudzimu. Kaini, kana ndi amba...

⁴² Isau na Yakobo, phanda ha musi muñwe wa avho vhatukana vha tshi bebwa, phanda ha musi vha sa a thu vhuya vha wana tshikhala tsha u ñinangela, Mudzimu o ri, "Ndo sanda Isau huno nda funa Yakobo," ngauri O divha zwe zwa vha zwi khavho, u bva u rangani. Huno ri divha...

⁴³ Zwi vhulungeni muhumbuloni hezwo, U divha zwi re mbiluni yanu. U divha zwine na khou zwi ambela hone. A hu londwi zwine ra amba, U divha zwine na khou zwi ambela hone.

⁴⁴ Huno zwi dzulela u vhanga khakhathi. Huno vha, ha... tshifhinga tshothe, tsha mupo tshi dzulela tshifhinga tshothe u lingeda, u bva tshe Kaini a tshinyadza Abele, tsha mupo tsho dzulela u lingeda u tshinyadza mishumo ya maya. Ri wana zwi fanaho ñamusi, tshithu tshenetsho tshi fanaho ñamusi.

Zwi sumbedza uri zwi bva kha Sañthane, ngauri ndi vivho na u edzisela zwa Ngoho.

⁴⁵ Ngauralo, ri tenda vhukuma uri Mudzimu ha shandukisi muhumbulo Wawe nga zwe A amba. U dzulela u i vhulunga I ngoho.

⁴⁶ Fhedzi U na lufuno lwa vhuvhili. Zwino, heneffo, hune khakhathi ya vha hone. Ri lingeda u shuma kha lufuno lwa vhuvhili lwa Mudzimu, nahone U do zwi tendela. Fhedzi arali ra dzhia lufuno Lwawe lwa vhuvhili, naho zwi songo lulama, U do ita lufuno lwa vhuvhili Lwawe uri lu shume, zwe^{the}, u hulisa lufuno Lwawe lwo khunyelelaho.

⁴⁷ A hu na tshithu tshine tsha do khakhea, kha Mudzimu. Ri khou... U tou divha kokotolo hune tshifhinga tsha khou rwela hone, madekwana a namusi. A hu na tsho khakheaho. U rwa hunwe na hunwe hu khou itea hune ha tea u vha hone kokotolo, tshinwe na tshinwe. Ri elekanya uri zwe khakhea, fhedzi U a divha uri ndi zwone. Zwi tea u vha nga heyi ndila.

⁴⁸ Vhunga u rangani, Mudzimu o tou tendela tshivhi tshi tshi da. Ha ngo, hu si... A lwo ngo vha lufuno Lwawe lwo khunyelelaho.

⁴⁹ Fhedzi, ni a vhona, Mudzimu, Muya muhulu, Khotsi, Khae ho vha hu na zwiñaluli, huno hezwi zwithu zwine na khou vhona zwi khou ñaniwa zwi tou vha zwiñaluli Zwawe zwe ñaniwaho. O dzula a ethe, O vha e si Mudzimu; Mudzimu o vha e mu loshiwa. O vha e Muhulu Wa U ya Nga Hu sa Fheli. Huno Khae ho vha hu na zwiñaluli, zwi no nga u vha Khotsi, u vha Mutshidzi, u vha Mufhodzi. Huno zwino, A nga thoma hani... O do tea u vha Khotsi, ngauri zwi tikedza uri O vha e Khotsi, fhedzi O dzula e ethe. Ene a ethe ndi ene a sa fi. Huno, zwino, fhedzi zwiñaluli Zwawe zwa tea u ñaniwa.

⁵⁰ Zwino, u vha Mutshidzi, hu tea u vha na tshithu tsho xelaho. Huno Mudzimu a nga si lozwe tshithu tshinwe na tshinwe nga khole nahone zwenezwo a tshi rengulula. Zwi nga si nge vhukhethwa Hawe na khatulo khulwane Yawe. Fhedzi O vhea muthu kha u dinagela ene muñe, a tshi divha uri muthu u do wa. Huno kha izwo, zwenezwo, A vha muthu, Ene mune, u itela u rengulula murahu muthu we a wa. Ndi ngazwo Yesu o vha Emmanuel. Arali Mudzimu o rumela muriwe muthu nga nnda ha Ene muñe, zwenezwo zwe vha zwi sa do luga. Mudzimu o tea u da Ene muñe nahone u dzhia vhuimo. Huno Mudzimu a nga si de phasi kha Muya huno a dzhia vhuimo, O do tea u vha ñama, kha ñama ya Murwa o sikwaho Wawe Ene muñe.

⁵¹ Huno O sumbedza hafha, u rangani, uri lufuno Lwawe lwo khunyelelaho lwo vha lwa u sika muthu u bva kha buse la lifhasi. Fhedzi, ni a vhona, A tendela vhudzekani vhu tshi dzhena. Ha ngo tendela vhana vha tshi begwa nga vhudzekani na khathihi, fhedzi zwe tendelwa, zwine hu si kale zwi do fhela.

⁵² Zwino ri wanulusa uri Vhamoaba vho vha ḥwana o ḥaho nga nn̄da ha mbingano, tsha—tsha u tou thoma, ngauri ho vha hu murwa wa Loto, nga ḥwananyana wawe. Zwino dzhielani nzhelele, sa tshivhidzo tsha mupo, Vhamoaba vha imelela tshi—tshivhidzo tsha mupo, Vhamoaba vha ralo, huno Vhaisraele, tshivhidzo tsha maya. Zwino, Vhaisraele, muselwa, o vha e... u sumbedza u vhidzelwa nn̄da.

⁵³ Tshivhidzo Tshone-tshine, ipfi *tshivhidzo* li amba “u vhidzelwa nn̄da, u bvela nn̄da,” avho vho vhidzelwaho nn̄da. “Ibvari khae, vhatu Vhang! Dikhetheni, u ralo Murena, huno Ndi do ni ḥanganedza kha Nne muṇe. Ni songo kwama zwithu zwavho zwa tshika.” Tshivhidzo tsha Mudzimu tshi vhidzelwa nn̄da ha shango, nn̄da ha ndado ya shango. A ni tsha vha vha shango.

⁵⁴ Vhunga ndo vha ndi khou lingedza u amba, maiwe madekwana, kha inwi, ndi musi ni tshi divha uri ni na vhuṭanzi ha—ha thengululo yanu ya U Ya Nga ḥu Sa Fheli zwa zwino kha inwi, n̄ga ndovhedzo ya Muya Mukhethwa, yo no tshiliselwa inwi. No dzamuluwa Nae zwino, nahone ro dzula rothe fhethu ha Liṭadulu, kha Kristo Yesu. Ni a vhona, a ni tsha vha wa shango. Arali ni tshi funa shango, na lutamo lwanu lu kha zwithu zwa shango, zwenezwo lufuno lwa Mudzimu a lu ho kha inwi. Ni a vhona? Ri bva kha, u vhofholowa kha shango. A hu tshe na lutamo.

⁵⁵ Kha Vhaheberu, ndi tenda uri ndima ya vhu¹⁰, i ri, “Ho vha na u dzulela u elelwa tshivhi, ḥwaha muṇwe na muṇwe, iyo mivhili ya zwipuka yo ḥetshedzwa. Fhedzi kha uyu mulandu, murereli a ḥanzwa ha tshena luvalo lwa tshivhi, a hu na lutamo lwa tshivhi.” Zwithu zweṭhe zwe ḥuwa kha inwi, ngauri no tshiliselwa kha Vhutshilo vhuswa.

⁵⁶ Huno tshivhidzo tsha mupo zwenezwo tshi tou vha tshigwada tsha vhatu kha dzidinomineisheni, dzo dzhoiniwaho. A zwi... A thi vhuyi nda zwi vhidza “tshivhidzo.” A thi tami u zwi vhambedza. Ndi tama u zwi vhambedza sa “nn̄du ya vhuawelo,” nn̄du ya vhuawelo ya Methodisi, nn̄du ya vhuawelo ya Baphuthisi, nn̄du ya vhuawelo ya Pentekostała.

⁵⁷ Fhedzi Tshivhidzo ndi u bebwa-hafhu tshi re kha Kristo Yesu, ndi zwivhumbiwa zwiswa. Huno ri kha di vhona hezwo, uri Mudzimu u vhulunga Ipfi Lawe.

⁵⁸ Zwino Vhamoaba vha vhona, Vhamoaba vha lavhelesa fhasi kha luvhande huno vha vhona Mudzimu a tshi khou tshimbila vhukati ha vhatu vhe vha vha vhe lushaka lu songo dzudzanyiwaho. Vha tou tendeleka naļo, u bva fhethu u ya fhethu. Fhedzi tshithu tshisili, tshine, vha da kha idzo tshaka huno vha vha dzhia. Luṇwe na luṇwe lwe lwa vha lu ndilani yavho, vha lu dzhia. Zwino, vha wanulusa uri, Vhamoaba vho lavhelesa khazwo. Balaka, a lavhelesa fhasi kha lushaka lwa

Vhaisraele, huno a ri, "Vhathu vho fukedza tshifha^{tu}wo tsho^{the} tsha lifhasi." A ri, "Huno vha mu^{ned}za dztshaka, u tou fana na phulu i tshi mu^{ned}za hatsi."

⁵⁹ Huno vha wanulusa, tshiⁿwe tsha tshithu tsha ndeme tsho vha nga ndila ye vha wana heyi nzumbululo khulwane, ho vha hu na muporofita vhukati havho. Who vha vha na muporofita, zwino, muⁿwe muthu a vha rangaho phanda. Yo vha isi sisteme yo itwaho nga muthu ye a anzela u i dowela, vha—vha vhashumeli vhawe nae, na zwiⁿwe-who, fhedzi yone na vha vhuhulwane vhawe. Fhedzi vha na—na murangaphanda, murangaphanda o vhidzwaho wa Muya.

⁶⁰ Huno, oo, lo vha duvha li vhaisaho hani, musi tshivhidzo tsha shango tshi tshi ^tutshela vhurangaphanda Vhukhethwa ha Muya Mukhethwa, huno tsha ^tanganedza mubishopo kana tshiⁿwe tshithu-vho u dzhia vhuimo Hatsho. Lo vha duvha li vhaisaho. Muya Mukhethwa ndi wa u vha murangaphanda wa tshivhidzo. O rumela u khwa^{jh}isedza Ipfi la Yesu Kristo, u ita tshivhidzo uri tshi tshile vhunga tsho tshila u rangani.

⁶¹ A si kalekale, tshikolo tshi ^divheaho hafha kha—kha iyi dorobo, seminari. Vha na inwe Phoenix. Huno muⁿwe wa vhabba, kana tshigwada tsha vhatshuden, o vha, vho da kha nne huno vha ri, "Ri a ni funa, Mukomana Branham. A ri na tshiⁿwe tshithu tsha u lwa na iwe, na luthihi, fhedzi ri do tou takalela u ni onyolosa."

⁶² Huno nda ri, "Zwo ralo, ndi ^toda u onyolosiwa." Ngauralo, huno ngauralo nda ri, "Arali ndo khakha, zwavhukuma a thi ^todi u khakha; ndi amba na vhathu vhanzhi."

⁶³ Huno a ri, "Zwo ralo, thaidzo yanu ndi heyi." Ha pfi, "Ni khou lingedza u ^divhadza, kana u vusuludza hafhu, vhurereli ha vhaapostola. Musi, vhurereli ha vhaapostola ho fhela na vhaapostola."

Huno nda ri, "Ee, muⁿe wanga." Nda ri, "Zwo ralo, zwino arali . . ."

A ri, "Zwino, a thi nga iti khanedzano na iwe."

⁶⁴ Nda ri, "Ndi nga si vhuye nda ralo na nne. A ri tei. A ri tei u ita hezwo. Ri vharathu."

Huno a ri, "Zwo ralo," a ri, "ndi do tou takalela u thusa."

Nda ri, "Zwavhukuma ndi khou funa u wana thuso."

Huno a ri, "Zwino, ni a vhona," a ri, "zwino . . . ndi ngoho."

⁶⁵ Huno nda ri, "Zwino, kha u amba, a ri tei u shumisa bugu ya u vhala." Nda ri, "A thi nga shumisi yanga," nahone ndo vha ndi si na inwe fhedzi Heyi nthihi. Fhedzi ngauralo—ngauralo nda ri, "A thi nga shumisi bugu ya u vhala, Bivhili fhedzi. Huno, vhoiwi, ri tou shumisa Bivhili."

A ri, "Zwo luga."

⁶⁶ Nda ri, "Zwino, ri tenda uri tshivhidzo tsha vhaapostola tsho thoma nga Duvha la Pentekoste. U ya tendelana na izwo?"

A ri, "Ee, ndi a tenda."

⁶⁷ Nda ri, "Zwino ri limuwa uri Mudzimu o nea tshivhidzo maanda heneffo, nga hoyu mutshimbilo wa vhaapostola."

⁶⁸ A ri, "Ee, wo to vha mutheo wa Tshivhidzo. Zwino Tshivhidzo tsho no di dzudzanywa, huno ri na vhafunzi vhashu vhothe, na madzangano mahulu ashu na zwithu. A ri todzi hezwo zwithu na kathihi, u kokodza vhatu."

⁶⁹ Nda ri, "Zwino ndi gai hune Bivhili ya amba hezwo?" Nda ri, "Iwe mmbudze hune Bivhili ya amba hezwo hone." Ni a vhona?

Huno a ri, "Zwo ralo, a zwi tou amba hezwo kokotolo nga heyo ndila."

⁷⁰ Nda ri, "Zwo luga, zwenezwo, ndi nga si zwi tanganedze nga nnda arali zwi tshi ambiwa nga iyo ndila, ni a vhona. Ni a vhona?" Nda ri, "Ri a . . ." Nda ri, "Ndi ndila ine zwa tea u vha ngayo." Nda ri, "U ya tenda uri Mudzimu u kha divhidza vhatu?"

A ri, "Ee, munye wanga."

⁷¹ Nda ri, "Zwino u do tenda uri Bivhili yo lulama, phindulo inwe na inwe?"

"Iina."

⁷² Nda ri, "Zwino, muambi nga Duvha la Pentekoste, o vha Petro, ane a vha na khoño dza Muvhuso."

"Ndi zwone."

⁷³ Huno nda ri, "Zwino, tsheo inwe na inwe ye ya vha, Yesu o ri, 'Tshine na vhofha kha lifhasi, ndi do tshi vhofha Tađulu; tshine na vhofholola kha lifhasi, Ndi do vhofholola Tađulu.'"

A ri, "Ndi do tenda hezwo."

⁷⁴ Nda ri, "Zwino, kha Mishumo ndima ya vhu2 na ndimana ya vhu38, Petro o amba na avho vhatu vhe vha vha vho takala. Avho vhatu vhe vha vha tshi khou amba nga ndimi dzi sa divhei. Huno vha mu vhudzisa uri vha nga ita mini uri vha tshidzwe, huno a ri, 'Shandukani, munwe na munwe wanu, nahone ni lovhedzwe Dzinani la Yesu Kristo u itela u hangwelwa zwivhi, ni do tanganedza tshifhiwa tsha Muya Mukhethwa; ngauri pfulufhedziso ndi ya vhoinwi, na kha vhana vhanu, na avho vha re kule, na vhanzhi vha Murena Mudzimu washu a do vha vhidza.' Zwino arali Mudzimu a tshi kha di vhidza, iyo pfulufhedziso nthihi ndi yavho."

⁷⁵ Zwo luga, o da hafha huno a na munwe wa tshigwada tsha Billy Graham ntha afha u rabelela mučangano. Huno tshigwada tshavho tsho dzula ntha afha California huňwe fhetu, vhege dzi si gathi dzo fhiraho, kha thabelo ya vhungoho yo dzivhafhalaho, u di nekedzela kha Mudzimu, u didzima, huno Muya Mukhethwa

wa wela kha tshigwada tshothe nahone vha thoma u amba nga dzinwe ndimi. Huno... Uh-huh.

⁷⁶ Zwino ndi murado wa-wa tshivhidzo tsha Vhukonani, Khuvhangano ya Mudzimu ngei Tucson, Arizona. A ri, "Yawe, Mukomana Branham, ndi ya nthā hangei nahone ndi pfa ndi wavhuđi!" Ha pfi, "Nda imisa zwanda zwanga murahu, huno." ha pfi, "vhugala ha Mudzimu! Nda tou imba!" Huno ha pfi, "Ndo vha ndi nga si fanywe nda ita hezwo kha tshivhidzo tsha Baphuthisi tsha Testamennde Ntswa."

Nda ri, "Ndi a vhona ni nga si kone. Ndi ngazwo ni nn̄da." Iina.

⁷⁷ Ngauralo khezwo, ni a vhona, Mudzimu u vhulunga Ipfi Lawe. Tshine A amba, U do tshi ita. Mudzimu u tea u vhulunga Ipfi Lawe.

⁷⁸ Zwino ri wanulusa hafha, uri, uhу u edzisela ha nama hune Moaba a vha naho. O vhona uyu muporofita vhukati ha Israele, we a vha a tshi kona u fhađutshedza, u sema, u rangaphanda, na zwiñwe-who, ngauralo a lingedza u zwi vhambedza, nga polotiki.

⁷⁹ Zwino ndi zwine zwe itea kha tshivhidzo ñamusi. Vho lingedza u zwi vhambedza na luñwe lushaka lwa maitele. Ni nga si zwi ite.

⁸⁰ Muya Mukhethwa u tea u tshila kha Tshivhidzo, tshifhinga tshothe, u rangaphanda Tshivhidzo kha tshikhathi tshine Tsha khou tshila khatsho, u khwađhisidza Ipfi le la fulufhdiselwa itsho tshikhathi. Mudzimu o amba Ipfi, u bva u rangani, huno zwihiłusa kha *tshino* tshikhathi, nahone zwihiłusa kha *itsho* tshikhathi, na zwiñwe *zwa* izwo zwikhathi. Zwi dzulela u itea nga yeneyo ndila. Huno, ni a vhona, huno Muya Mukhethwa u tea u tshila kha Tshivhidzo, u ita uri itshi Tshivhidzo tshi tshile duvha Latsho. U tea u vha fhano ñamusi, u khwađhisidza uvhu vhushumeli ha tshifhinga tsha u fhedzisela, zwiga zwa tshifhinga tsha u fhedzisela, u shululwa ha Muya Mukhethwa nga tshifhinga tsha u fhedzisela. U tea u vha fhano u ita izwo, nahone ni nga si u wane nga kha kushumele kwa maitele. Mudzimu u na maitele. Ndi Ene Muthihi ane a ri fha Muya Mukhethwa.

⁸¹ Zwino, ri dzhiela nzhele hafha uri Mushe o vha na Khosi, huno iyo Khosi o vha Mudzimu, we a mu dolisa. Na Biliamu-vho o vha phasi ha khosi, Bałaka. Huno zwe vha zwi nga maandja dzudzanyo ya polotiki, ni a vhona, Bałaka. Biliamu, muporofita wa Mudzimu, o ya kha Bałaka u itela vhuđanzi hawе. Mushe a ya kha Mudzimu u itela vhuđanzi. Kheyo phambano ye ya vha i hone.

⁸² Zwe ralo, vhothe ndi vhaporofita, ngauri vhothe vho vhidzwa nga Mudzimu; vhothe vho ḥangana na Mudzimu, vhothe vho amba na Mudzimu, nahone vhothe vho ḥadzwa nga Muya.

Zwino ndi khou da hayani, ni a vhona. Zwino, vhothe ndi vhathu vho dadzwaho nga Muya. Zwino, izwo ndi ngoño. Bivhili yo amba hezwo, “Mudzimu o tangana na Biliamu huno a amba nae.” Ni a vhona?

⁸³ Ngauralo ri dzhiela nzhele, muñwe na muñwe wa avho vhaporofita, vhothe vhe vhaporofita, vhanna vha Mudzimu, vho shumela vhurangaphanda havho. Mushe o shumela Mudzimu. Huno Biliamu o shumela Balaka.

⁸⁴ Dzhielani nzhele hafha, kha u fanyisa zwa myua na zwa mupo, zwo vha zwo khunyelela hani. Mushe, o rumiwa nga Mudzimu, kha mutala wa mushumo, u tanganiwa nae nahome a itelwa khaedu nga muñwe munna wa Mudzimu. Ni nga humbula izwo?

⁸⁵ Fhedzi lavhelesani nzudzanyo ye vha vha naho ngei nthā. Ho vha hu lushaka lwo dzudzanywaho.

⁸⁶ Huno Mushe o vha a khou rangaphanda vhana vha Israele, vhunga Mudzimu o vha a tshi do vha vhudza hune vha ya, vho rangwa phanda nga Khavhu ya Mulilo, na Tshivhumbeo tsha nthā ha mupo tshe tsha vha tshi tshi khou rangaphanda ndila. Huno Mushe o vha a tshi khou wana vhučanzi hawe nga kha—kha Tshitāluli, ndi zwezwo, tshe tsha bva kha Mudzimu, iyo Khavhu ya Mulilo; ye ya vha i Muruňwa wa Mulanga, ane a vha Kristo, Muqodzwa. Huno o vha a tshi wana mulaedza wawe nga Henefho, huno a tshi u nea vhana vha Israele, kha gondo la uya kha shango la pfulufhedziso.

⁸⁷ Fhedzi havha vhathu vhothe who vha vho dzulisea, huno o vha a na muvhuso wawe. O vha a na zwivhidzo zwawe. O vha na zwithu zweithe zwo dzudzanea heneffho. Ngauralo a rumela u wana uyu munna, uya na u sema avha vhathu. Huno dzhielani nzhele, ni nga humbulela, uyo muporofita muthihi, munna muthihi wa Mudzimu u vhona mishumo ya Mudzimu na muñwe munna, huno a lingedza u—u i tela khaedu iyo mishumo ya Mudzimu, musi o divha, o tea o vha o divha khwiñe. Zwino Biliamu, u thoma musi . . . Balaka a tshi mu rumela khae na u mu vhudza, “Idai u sema havha vhathu.” Zwino Balaka o ita zwithu zwi fanaho, kana . . .

⁸⁸ Biliamu, kha ndi ri, o ita tshithu tshe tsha vha tsho lulama, a toda Mudzimu. A toda Mudzimu, u thoma. Zwino, ndi zve a vha o tea u zwi ita.

⁸⁹ Huno zwenezwo Mudzimu u a mu nea Yawe yo khunyelelaho, phindulo i re khagala, “U songo tuwa nae! Vha litshe vhe vhothe. U songo sema avho vhathu. Vho fhatutshedzwa.” Zwino, izwo zwi tea u vha zwo lingana. Musi Mudzimu o amba tshiñe tshithu, A nga si zwi shandukise. Dzhielani nzhele, lufuno Lwawelwo khunyelelaho lwo vha lu, “U songo ya! U songo tasela avho vhathu. Ndi vhathu Vhang.” Ulwo lwo vha lu lufuno lwo khunyelelaho Lwawee.

⁹⁰ Fhedzi Biliamu o vha a sa takaleli avho vhathu, tsha u tou thoma. Ni a vhona, heneffo khezwo. Ndi vhangana Vhobiliamu vhane ra vha navho ḥamusi? Tshithu tshi fanaho, tshithu tshi fanaho! Vha ḫivha zwa khwiñe.

⁹¹ Vho vha navho misi ya Murena Yesu washu. Nikodemasi o da huno a ri, “Rabbi, ri a zwi ḫivha uri U muthu o rumiwaho u bva ha Mudzimu, kana–kana mufunzi o rumiwaho u bva ha Mudzimu. A huna muthu ane a nga ita izwi zwithu zwine Wa ita arali Mudzimu a si nae.” Ni a vhona, vho vha vha tshi zwi ḫivha. Ho vha hu na Biliamu hafhu, ni a vhona.

⁹² Zwino, Biliamu ha ngo takalela avho vhathu. Dzhielani nzhele hedikota yawe. Phanda ha musi vho rumela vhañwe vhanna vhavhudzi heneffo, u mu vhudza, “Zwino huna vhañwe vhathu vha ḫaho afha phasi. Huno ndi a pfectesa uri u muporofita, u munna muhulu, ngauralo iqa afha n̄tha nahone u same avha vhathu.”

⁹³ Biliamu a ri, “Zwino, ima lwa miniti, u swikela ndi tshi ya ngomu huno nda rabela, na u dzula vhusiku hothe, khañwe Murena u do ḫangana na nne nahone A mmbudza.” Zwo luga, matsheloni a tevhelaho, Murena a ḫangana nae huno a ri, “U songo ya! U songo sema avho vhathu. Vho fhaṭutshedzwa.”

⁹⁴ Zwo luga, Biliamu a ya nn̄da huno a ri, “Zwo ralo, a thi nga yi, ngauri Murena o mmbudza uri ndi songo ya.”

⁹⁵ Zwino dzhielani nzhele musi vho humela murahu, huno vha dzhia dzihedikota, uri ene aye phasi henengei huno u imisa yyu muṭangano vha re nawo, ni a vhona, zwo luga, zwenezwo, u ya u wanulusa, hedikota yo rumela vhathu vha maimo mahulwane, khañwe mubishopo, muñwe muthu-vho, kana a vha muhulwane wa phuresibetheriene, muñwe muthu a rumelwa phasi henengei, “U mu vhudza uri a ye phasi huno u imisa hezwo nahoh zwo ralo!” Ni a vhona?

⁹⁶ Dzhielani nzhele, tshigwada tshawe tsho ṭuṭuwedzeaho khwiñe, zwifhiwa zwa khwiñe, tshelede nnzhi, ha pfi, “Ndi do u alusela kha vhuimo ha khwiñe. Ndi do u ita, nga nn̄da ha u sokou vha muthu zwawe, ndi do u ita muhulwane zwituku zwino. Ndi na ndugelo ya u ita hezwo, ngauri ndi khosi hafha kha uhu u tshimbila huhulu. Huno ndi–ndi nga u itela tshiñwe tshithu tsha khwiñe, arali udo tou zwi ita.”

⁹⁷ Dzhielani nzhele, pfulufhedziso ntswa ya mupofudza. U tea u vha o ḫivha; zwe Mudzimu a amba, Mudzimu u do ita. Fhedzi zwo mu pofudza. Huno sa muporofita wa Mudzimu, ha tei u ṭuṭuwedzwa nga tshigwadatsha u ralo. U tea u bva kha itsho tshigwada, tsha u tou thoma.

⁹⁸ Huno arali ndi tshi khou amba na vhañwe vhanna vha Mudzimu hafha! Musi vha tshi lingedza u ni vhudza kha dzihedikota, u ri, “Mađuvha a mađembe o fhira,” huno izwi ndi zwine ra khou ita hafha, nahone Murena Yesu u khou

ri fhaṭutshedza, “huno ndi tshigwada tsha vha vhusweleli ho kalulaho, ha zwipfi na miḍai, a hu na tshitihu tshi no pfi phodzo ya Muya,” ibvani kha itsho tshigwada, henefho nga u ṭavhanya. [Mukomana Branham a khotha minwe yawe—Mudz.] Ibvani khatsho, ngauri Ndi Ipfi la Mudzimu lo vhonadzwaho. Vha ri, “A hu na zwithu zwino no nga misi ya vhaapostola. A hu na ndovhedzo ya Muya Mukhethwa. Uri u amba nga ndimi, a hu na tshitihu tshazwo henefho.”

⁹⁹ Oo, fhedzi, mukomana, ni songo thetshelesa izwo! Hu na vhañwe vhanzhi vhunga Biliamu, namusi, vho dzulaho murahu ofisini dzavho, vha vhalaho idzi Bugu dza Bivhili na u divha uri Ndi Ngoho. Fhedzi naho zwo ralo ngauri nthani ha maimo, a vha nga dzhii vhuimo havho. Zwo tou kokotolo vhukuma. Dzhielani nzhele, Mudzimu... O divha uri ha tei u vha kha itshi tshigwada, kana Biliamu u tea u vha o zwi diyha. Vho, vho bva kha lufuno lwa Mudzimu. Avho vhathu vha do ni bvisa kha lufuno lwa Mudzimi. Musi ni tshi wana lufuno lwa Mudzimu, ni songo tendela muñwe muthu a tshi ni bvisa khalwo.

¹⁰⁰ Ndo divha vhathu vhavhuđi, vha da miṭanganoni, vha wana phodzo, huno vha humela murahu. Huno vha ri, “Yawe, zwo luga, a hu na tshitihu kha hezwo. Ni sokou nyanyuwa. A hu na tshitihu khazwo.” Huno vhathu vha ya kha thima-thimo. Ndo no vhona vhathu vha tshi da nahone vha ṭanganedza Kristo mbiluni dzavho, vha humela murahu; khañwe vha amba nga dzindimi, nahone vha humela murahu. Huno tshivhidzo tshi do ri, “Malandu, ni—ni tou vha u shonisa kha Vhukreste,” na zwiñwe-vho. Huno, yawe, nñe nñe, ni songo, ni songo ita hezwo, ni a vhona. Ibvani kha itsho tshigwada! Dzulani kule hatsho.

¹⁰¹ Dzhielani nzhele, Biliamu o shumisa mbonalo i si ya vhukuma, u itela luvalo Iwawe, ni a vhona. A ri, “U timatima. Ni dzula vhuñwe vhusiku, nahone khañwe ndi do vhudzisa Mudzimu, ni a vhona. Khañwe U do shandukisa muhumbulo Wawe.”

¹⁰² Fhedzi Mudzimu ha shandukisi muhumbulo Wawe. Musi Mudzimu o ri fha mulevho wa ndovhedzo ya Muya Mukhethwa, nga Duvha la Pentekoste, ndi ndila ine A zwi vhulunga ngayo. O ita vhothe nga kha tshikhathi tsha Bivhili, huno U do zwi ita nga tshifhinga tshiñwe na tshiñwe tshire muñwe muthu u do da kha iyo mitheo ye A i ḡetshedza henefho. Arali ni tshi do da, ni tshi tenda, u shanduka, no lovchedzwa Dzinani la Yesu Kristo u itela u hangwelwa zwivhi zwanu, na u tenda kha Mudzimu, Mudzimu u na pfanelo ya u vuledza iyo ndayamushonga, ngoho, ngauri ndi Ene dokotela. Huno U do zwi vuledza arali ni tshi—arali ni do zwi thetshelesa.

¹⁰³ Fhedzi ni nga si swikelele zwino u lingedza u wana iyi ndayamushonga, i dzhieni kha muñwe radziphilisi wa vhufhura ane—ane a nga vhea tshiñwe tshitihu-vho khayo. I nga vhulaha

mulwadze. Ndi nga zwo ri na mirado minzhi ya tshivhidzo yo faho namusi, vha khou lingedza u nea ndayamushonga yo khakheaho. Mudzimu u na ndayamushonga hafha kha Bivhili. Ndi a sa shanduki mulovha, namusi, na lini na lini. Ni tea u dzhia mushonga nga ndila ye Dokotela a ni fha ngayo.

¹⁰⁴ Bivhili i ri, “Naa a hu na—naa a huna mushonga ngei Gilead; naa a huna ḥanga heneffho?” A hu na zwiṁwe, i hone. Ha pfi, “Zwenezwo ndi ngani ḥwananyana wa vhatu Vhangwa a kha i tshi tshiimo?”

¹⁰⁵ Ni a vhona, ri na Bivhili. Ri na ḅanga. Ndi, sokou, muṇei wa philisi ha khou nea u ya nga ndayamushonga ya Luṇwalo. Zwo tou ralo. Ni khou lingedza u ri, “Mađuvha a mađembe o fhira. A hu na tshithu tshi ngaho ndovhedzo ya Muya Mukhethwa na hezwi zwithu zweṭhe. Ndi maloto.” Bivhili yo lulama kokotolo. Mudzimu ha dzhii murahu tshiṁwe na tshiṁwe tshe A amba. Huno vha lingedza u shumisa mbonalo i si yone, tshiṁwe tshithu tshi no nga, “Zwo luga, ri tenda *hezwo*.” Zwo luga, a hu londiwi zwine na tenda!

¹⁰⁶ Ndi zwe Mudzimu a amba! O ri, “Ndi do shululela Muya Wanga kha ḥama yoṭhe.” O fulufhedzisa hezwi kha mađuvha a u fhedzisela.

¹⁰⁷ Vha lingedza u amba uri miṭangano, ine na khou vhona, vha mmbidza, “mubvumbi, o—o—o pholishiwaho mubvumbi, kana—kana Belesebulu, kana muṇwe diabolo.” Zwo luga, vha tea u amba hezwo, ngauri ndi vha khotsi avho. Ndi zwe a amba nga ha Yesu u rangani. Huno a si riṇe vhane vha khou ita hezwi, nga inwe ndila, ndi Yesu muthihi a fanaho, ngauri Ha shanduki mulovha, namusi, na lini na lini. Ndi Muya Wawe.

¹⁰⁸ Yawe, tshiṁwe tshithu tshi no do fhira, u pfuka na vhuda-... u pfuka ndaedzo Yawe. Vhatu vhanzhi vha lingedza u pfuka heyo. “Yawe, i ḫani ni dzhoine tshivhidzo, huno zwi do lulama. Ri tshivhidzo tsha kale. Ri fhano lwa miṁwaha minzhi. Ro thoma...” Ee, ndi zwone. Arali izwo zwo ralo, zwenezwo tshivhidzo tsha Roma Katolika tshi na zweṭhe kha inwi noṭhe; ndi vhone vho thomaho u ita madzangano. Ndi vho thomaho. Fhedzi, elelwani, husi Tshivhidzo tsha u thoma. Ndi vhone dzangano la u thoma, na mme a inwe na inwe yadzo. Tshine, tshiṁwe na tshiṁwe tshadzo tshi hanedzana na Mudzimu. Nzumbululo ya vhu¹⁷ i amba tshithu tshithihi, ni a vhona. Ee, ri mađuvhani a u fhedzisela. Zwino, elelwani, Mudzimu u do ni tendela, naho zwo ralo, ni a vhona, zwino.

Huno zwenezwo Biliamu, a elekanya, “Zwo luga?”

¹⁰⁹ Zwenezwo Mudzimu o mu vhudza, “Bvela phanda.” Ndi ngani? Mudzimu o ḫivha zwe zwa vha zwi mbiluni yawe. Mudzimu o ḫivha zwe zwa vha zwi mbiluni yawe tsha u tou thoma, ngauralo O mu vhudza u ri, “Bvela phanda.” U do

zwi tendela. U do ni tendela u zwi ita. U do ni fhaṭutshedza, zwifhinga zwinzhi, kha u zwi ita.

¹¹⁰ O fhaṭutshedza na Vhaisiraele na vhone-vho nga murahu ha musi vho... Tshilidzi tsho vha tsho no vha nea muporofita, Khavhu ya Mulilo, phuluso, zwiga na vhuṭolo, u vha bvisa Egipita, na tshiñwe na tshiñwe, huno naho zwo ralo vha ṭoda mulayo. Mudzimu a vha tendela uri vha vhe nawo, fhedzi u vha sema tshifhinga tshothe.

¹¹¹ A tendela Biliamu u ya phanda nga ndila ine a tea u ralo, fhedzi naa o itani? A ya fhasi henefho huno, madzuloni a u sema vhathu, o do tea u fhaṭutshadza vhathu. O vha a nga si kone u sema zwe Mudzimu a vha o no fhaṭutshedza.

¹¹² Huni ndo—ndo ni vhudza, ndo vha ndi tshi khou ya u ḫutshela nga ya ṭahe. Huno nda lavhelesa nthia, huno ndi tshifhinga zwino, huno ndi na bugu yo ḫala nga notsi hafha.

¹¹³ Fhedzi ndi tama u amba hezwi, kha u vala, uri Mudzimu ha shandukisi muhumbulo Wawe. Lwawe lufuno lwo khunyelelaho lwo vha lu lwa uri Biliamu a songo ya. Huno musi Mudzimu a tshi ita tshiṭatamennde, tshi tea u dzula tshi ngoho tshifhinga tshothe.

¹¹⁴ Zwino, Bivhili i ri, “Yesu Kristo ha shanduki mulovha, namusi, na lini na lini.” Zwino, izwo a zwi ambi “ngā inwe ndila.” Izwo zwi amba Ha shanduki mulovha, namusi, na lini na lini! Yesu u ri, kha Yohane Mukhethwa 14:12, “Uyo ane a tenda kha Nne, mishumo ine Nda ita u do i ita-vho.” Naa izwo ndi zwone? [Tshivhidzo tshi ri, “Amene.”—Mudz.] O zwi fulufhedzisa, kha Mariko 16, “Izwi zwiga zwi do tevhela avho vhane vha tenda.”

Vha ri, “Zwo luga, izwo zwo vha zwi zwa vhaapostola fhedzi.”

¹¹⁵ A ri, “Iyani mashangoni oṭhe huno ni funze Mafhungomađifha kha zwivhumbwa zwoṭhe. Izwi zwiga zwi do vha tevhela, kha shango loṭhe, huno na kha zwivhumbwa zwoṭhe. Dzinani Langa vha do pandela vhodiabolo. Vha do amba nga ndimi ntswa. Arali vha takula mañowa, kana u nwa zwi vhulayaho, a zwi nga vhabhaisi. Arali vha vhea zwanda kha vhalwadze, vha do fhola.” Zwino, ndi ndalukano Yawe.

¹¹⁶ Ni a vhona, ri lingedza u swikelela tshiñwe tshithu. Ri khou lingedza u ita, tshivhidzo uri tshi swikelele kha zwine ra humbula uri Ipfi la Mudzimu lo ralo. Ri nga si swikelele kha tshivhidzo. Ri tea u swikelela kha Mudzimu.

¹¹⁷ Ndo dzulela uri, ndi tshifhinga tshihulu tsha u fanyisa. Ni pennda zwiṭepisi zwaṇu nga muvhala mutswuku, huno lavhelesani mudzula tsini wanu u pennda mutswuku na kha zwawe. Vhanwe vha vhoinwi vhasadzi ni ambara luñwe lushaka lwa muñadzi, tshivhidzoni, huno sedzani vhasadzi vhanwe vhoṭhe vha wana heyo.

¹¹⁸ Vho-Mme. Jacqueline Kennedy vha na hetshi hafha kha thowana, huno sedzani vhasadzi vhañwe vhoþe. Vha ambara apuroni thukhu ya kale, kana zwithu zwi no nga hezwo, ndi zwa nthesa kha vhasadzi u vha tshiþaraþani, na hezwo zwo tharamudzwa nga u ralo. Lavhelesani vhasadzi vhoþe vha tshi ita zwithu zwi fanaho. Ndi u edzisela, fhedzi izwo zwi kha shango. Vhathu vha tshivhidzo vho zwi dzhia, huno zwi a shonisa uri vhaa zwi ita. Zwo khakhea khavho u zwi ita, nahone ndi zwa thoni. Huno musi ri tshivhona creeping kha Pentekoste, a si tshilidzi. Izwo ndi zwone. Fhedzi, ni a vhona, tshivhidzo tsho vhambedzana nazwo huno vha zwi tendela zwa bvela phanda.

¹¹⁹ Zwino, a ri londi. A thi ngo vhuya nda londa uri kana badzhi yanga i fana na vhurukhu hanga, kana thai yanga i yelena na badzhi. Ndi þoda tshenzhemo yanga i tshi fana na Bivhili ya Mudzimu na þodea Dzawé. Huno ndi zwine riñe sa vhatu vha pentekostala ra tea u ita, ndi u vha na tshenzhemo tshashu u tou fana tsha ha vha la tsho ralo, ngauri Ndi Yesu a fanaho, Muya Mukhethwa u fanaho, maanda a fanaho. U a tshila ñamusi, nahone U tshila vhukati hashu.

¹²⁰ Zwi to nkhumbudza liñwe duvha mme Awe vho tuwa Jerusalëma, u bva u luvha, na khotsi Awe vha si vha malofhani, Yosefa. Huno vha tuwa lwendo lwa maduvha mararu, huno u tou humbulela uri U vhukati havho, nahone vha wanulusa uri O vha a siho heneffho.

¹²¹ Huno, ni a divha, ndi þoda u fanyisa hezwo ñamusi. Ni a divha, tshivhidzo tshi na maga mararu a lwendo. Luther, Wesley, pentekoste; maga mararu a lwendo. Mudzimu u do vha fha mulaedza, u luga, Luther, o tou farelela khaho; zwenezwo ha da u khethethfadzwa nga kha Wesley; zwenezwo ndovhedzo ya Muya Mukhethwa, na pentekoste. Huno ndi a mangala arali vha songo bva kha u hanganea huhulwane huñwe fhethu, u fhaþa zwithu zwiulwane na u ita zwithu zwiulu, vhunga Biliamu o vha na zwo kha muhumbulo wawe; madzangano mahulwane, liñwe u-u fhira liñwe, na heli liñwe-vho, a tshi ñea medala wa musuku na ñaledzi ya tshikolo tsha Swondaha huno ane a nga ñisa mirado minzhi, huno a dzenisa tshithu tshiñwe na tshiñwe tshivhidzoni.

¹²² Ndi a ni vhudza, huna Tshivhidzo tshithihi heneffho a tshi na mudzia muhoyo, ndi Tshivhidzo tsha Murena Yesu Kristo, tsho lovhedzwaho nga Muya Mukhethwa. A ni fhembeledzelwi Heneffho. Ni tou bebwa Heneffho. No rumelwa heneffho nga Muya Mukhethwa.

¹²³ Vha wanulusa. Vhabebi vha wanulusa uri Haho vhukati havho.

¹²⁴ Zwino kha ino awara, iyi khudano khulwane i kati, musi ri tshi divha uri ulu lushaka lu kho dzinginyea. Hu si lushaka fhedzi shango loþhe li khou dzinginyea. Ndi tshifhinga

tsha vhufhelo. A hu na tshinwe tshithu tshine nda divha tshine tsha do itea fhedzi u Takulelwa Tađulu, u Vhuya ha Murena Yesu Kristo. Ho lugela.

¹²⁵ Huno ri vhona idzi khuvhangano. Yawe, u wana mbuelo iñwe na inwe, ili guvhangano li a ña, bvisani zweþhe kha zwo zwine na nga wana, ndi zwa Mudzimu. Arali ni sa athu vha na Muya Mukhethwa, itanu zwi vhea muhumbuloni wañu uri ni nga si tuwe afha u swikela ni tshi U wana. Ndi yone ndila ya u zwi ita. Dzulani henehfo, ngauri ni...izwi ndi, tshi nga vha tshikhala tshañu tsha u fhedza. Zwi nga itea hu si tsha vha na liñwe guvhangano kha heyi Khunzikhunzi ya Vhukovhela. I nga ñi vha i fhasi ha lwanzhe, nga itsho tshifhinga, phanda ha iñwe. Ngauralo a ri divhi tshi no do itea, ngauralo ri...Ri khou lavhelela khaþhulo dla Mudzimu u ña kha dzitshaka.

¹²⁶ Zwino ndi nga amba izwi. Vho humbula uri O vha a navho. Fhedzi vha wanulusa, kha vilili, uri O vha a siho. Ni a vhona, O vha a si na vho.

¹²⁷ Zwino ri wanulusa, uri nga tshifhinga musi itshi tshithu tshihulu tsho dišwa, huno ri wanulusa uri ri khou shaedza tshinwe tshithu zwivhidzoni zwashu, huno ndi maandä a Kristo.

¹²⁸ Zwino, lavhelesani, a thi ñodi u sa thula. Ndi a ni funa, na hone lwa ngoho, lufuno lwa vñukuma lu anzela u lulamisa. Zwino ri khou shaya Kristo zwivhidzoni zwashu. Ri khou shaya Kristo vhukati ha vhathu vhashu vha Vhapentekostaña, vharathu vhashu na dzikhaladzi. Hu na tshinwe tshithu tsho khakheaho. Miþangano ya thabelo ya fesheni ya tshikale ine vha tshi anzela u vha nayo, duvha loþhe na vhusiku, a vha tshe nayo na khathihi. Vhafumakadzi vhashu vho vha vha tshi anzela u fuka mavhudzi malapfu; a vha tsha zwi iti na khathihi. Zwo vha zwi tshi do vha u shonisa kha musadzi u pennda na u shumisa pennde, murahu misi ya kale, huno na u ñifara nga ndila ine a vha vhasadzi vha ita. Tshinwe tshithu tsho mbo di khakhea. A hu na tsho khakheaho kha Kristo, ni a vhona, fhedzi tshinwe tshithu tsho mbo khakhea. Tshinwe tshithu tshi huiñwe fhethu. Phuluphithi, i tshi anzela, u sa tendela tshithu tshi ngaho itsho, fhedzi i ya ita zwino. Ni a vhona, vilili li kati, nahone ri khou shaya tshinwe tshithu.

¹²⁹ Ri khou shaya maandä ane ra tea u vha ri nao, hune mutshini muhulwane wo vha u tshi tea u vha u tshi khou gidima, na zwiga zwihulu na vhuþolo. Zwo luga, itshi tshifhaþo tsho vha tshi tshi tea u vha tsho dzula tsho dala maandä a Mudzimu, zwino, u swikela muitazwivhi a nga si dzule ngomu afha; Muya Mukhethwa u tshi zwi hwelela, ngau þavhanya nga u ralo, vhunga Anania na Safira. Huno ri khou shaya tshinwe tshithu.

¹³⁰ Zwino ho bvelela mini? Vha ya u Mu sedza, vhukati ha mashaka avho, huno vha sa Mu wane vhukati ha mashaka avho. Ngauralo vho Mu wana ngafhi? Murahu he vha Mu sia hone.

¹³¹ Huno ndi elekanya, musi kereke yashu i tshi wana ili dzangano li hulu line ra vha nało, linwe li tea u fhira linwe, huno li tea u vha na zwivhidzo zwihiulu, na vhathu vha maimo a khwiňe, na vhathu vha ambaraho khwiňe, na vhaimbi vha khwiňe, huno vha ima henehfo huno . . .

¹³² Ndi a funa u imba ha vhudi. Ndi a funa u imba ha vhudi ha fesheni ya kale ya pentekostała. Fhedzi ndi nga si imele kha hezwo zwithu, zwi tou vha zwi sa tshimbilelani na nne; u fara mufemo wanu u swika ni tshi vha mudala kha tshifhačuwo, u tou pfala fhedzi. Ndi—ndi a tenda kha u imbelela zwi tshi bva mbiluni yanu, kha Muya wa Mudzimu, sa zwe nda pfa hanefha a si kale. Ni a vhona?

¹³³ Ndi a funa u ḥavha mukosi ha fesheni ya tshikale, fhedzi ndi elekanya uri u ḥavha mukosi hunga bvela phanda arali muzika u tshi bvela phanda kana hai. Muya wa Mudzimu u kha vhathu, U di sa fhasi dziphäħħutshedzo na maanda a Mudzimu. Ndi tenda uri muthu a nga ḥanziela, na u imba na u luvha Mudzimu, mushumoni wavho, huňwe na huňwe hune vha nga vha hone. Ngoho.

¹³⁴ Huno zwino ri khou shaya tshiňwe tshithu. Naa ri do Mu wana fhi? Henehfo he ra Mu sia hone, kha Ipfi.

Kha ri rabele.

¹³⁵ Khotsi wa Tađulu a funeaho, vhuňwe ha uvhu vhusiki ri khou ya u vala iyi Bivhili lwa u fhedza, u imba ha u fhedza ha imbiwa, pfunzo ya u fhedza ya rerija, thabelo ya u fhedza ya vhidzwa, muitazwivhi wa u fhedza a dzhena ngomu. Huno zwenezwo mini-ha? O Mudzimu a funeaho, a ri ḥodi lufuno Lwau lwa vhuvhili, Khotsi. Ri tendele u tshimbila khā lufuno Lwau lwo khunyelelaho. Ri tendele uri ri songo—songo vhuya ra dzhia Ipfi hafha na hafhała, na u ita uri Li edanwe nga dogima kana ndaela, kana tshiňwe tshithu. Kha ri dzhie Ipfi sa zwine La vha zwone, ri tshi tenda vhudalo ha Mafhungo-mađifha, zwothe zwe Yesu a ri funza u ita. A ri tendi uri mishumo ya vhaapostola i tou vha tsumbandila. Ri tenda uri Ndi Ipfi la Mudzimu, Ndi mishumo ya Muya Mukhethwa Wau kha vhaapostola. Huno ri a tenda uri Muya Mukhethwa u fanaho, Murena, we wa ya khavho, na ndila ye vha ita ngayo, U do ita zwithu zwithihi zwi fanaho na kha riňe, musi U tshi da kha riňe, arali u Muya muthihi u fanaho.

¹³⁶ Ngauralo ndi a rabela, Mudzimu a funeaho, uri iyi khuvhangano ine ra vha kha mathomo ayo, u thoma matshelo nga madekwana. Ndi a rabela, Khotsi wa Tađulu, uri i do vha khuvhangano khulusa ine iyi dorobo yo vhuya ya vha nayo, nga nthani ha Vhuhone Hau. Fhaħħutshedza muambi muňwe na muňwe, O Mudzimu, ngavhe i tshi vha ya—ya u dzinginyisa nga maanda, ngavhe mbiti ya Mudzimu i tshi bvuma kha phuluphithi. Ngavhe vhaitazwi vha tshi dzinginyea, tetemela. Ngavhe Vhuhone ha Yesu Kristo vhu tshi vha ha vhukuma kha

vhatu, uri vha do tou bonya maṭo avho na u vhona Ene a tshi tshimbila vhukati havho. Zwi tendele, Murena.

¹³⁷ Zwino, madekwana a ḥamusi, phanda ha musi izwi zwi sa athu itea zwine ra khou rabelisa... Mudzimu a funeaho, vhańwe vha vhana Vhau vha a lwala. Vho huvhadzwa, huno—huno vha ya vhaisala. Ndo dela u vha rabelela. Naa U do hulisa zwine nda khou U humbelā, madekwana a ḥamusi, Murena, u itela u lwala havho? Ndi a fulufhela, kha Iwe, hu nga si vhe na muthu a ḥudzaho kha itshi tshifhaṭo musi tshumelo yo fhela.

¹³⁸ Vhadinda Vhau hoṭhe hafha, vho dzula nnđa hafho, u zhamba, u imisela zwanda zwavho n̄tha, na murahu hafha kha pulatifomo, huno ha pfi “amen” kha Ipfi. Khotsi, ri vhatu vha re tshithu tshithihi. Ri khou bva kha shango, u bva kha nyimele ya maitele a rotholaho, huno ro begwa nga Muya. Ri a tshila, madekwana a ḥamusi. Huno Wo ri, ngauri U a tshila, ri do tshilavho. Huno ri a fulufhela, Murena, na u tenda nga mbilu dzashu dzoṭhe, uya nga ha Ipfi, uri ro imilelwa kha Iwe.

¹³⁹ Zwino ita Ipfi Łau li vhe ḥa ngoho, madekwana a ḥamusi, u fhodza vhalwadze, vhunga ndi khou vha rabelela, na avho vhańwe vha rabela. Zwi tendela, Murena, zwi do ralo. Huno ri do U luvha ngazwo. Ri a zwi humbelā nga Dzina ḥa Yesu. Amen.

¹⁴⁰ Zwino... [Muńwe muthu u khou amba nga nga luńwe lulimi. Tshikhala kha theiphi—Mudz.] Ndi a U livhuwa, Mudzimu Khotsi.

¹⁴¹ Ri pfa hezwo, u tou fana na tshińwe tshifhinga kha Bivhili, vho vha vho livhana na vilili, huno Muya wa Murena wa wela kha muthu huno O mu vhudza hune a nga kunda swina, hune a nga ya. Thetshelesani Hezwo. Edzonu di lulamisa inwi muńe. Ni a vhona, Muya wa Vhutshilo kha inwi, u ni lulamisa kha Ipfi. Ni a vhona, arali Ipfi li tshi tshila kha inwi, Li tshila Lone lińe nga kha Ipfi.

¹⁴² Zwino, vhusiku ho fhiraho ndo vha ndo lenga. Zwino, ni vhatu vha vhudi, ndi tou... U vhona u nga, huno vhunga ndi khou thoma kalaha, ndi—ndi—ndi tou tama ndi tshi... Ndi do vha na inwi lini na lini, kha lińwe Shango.

¹⁴³ Ngauralo zwino ri khou ya u rabelela vhalwadze, huno zwino ndi khou ya u lingedza u sa qisa vhanzhi nga tshifhinga, vhunga zwe nda ita vhusiku ho fhiraho. Huno zwino, Billy Paul o nea muvhuli wa garaṭa dza thabelo, ndi kholwa ndi ḥana ḥadzo. Naa no nea ḥana, kana mavhili? Mađana mavhili. Dzovha dici mini? C.

¹⁴⁴ Ndi nnyi are na C, nomboro ya u thoma? Imisani tshanda tshańu, kha ri vhone arali izwo zwo luga, zwino. Garaṭa ya thabelo, lavhelesani kha garaṭa yańu ya thabelo, ina nomboro na—na ḥedere khayo. C, nomboro ya u thoma, imisani tshanda tshańu. N̄tha hangei. Ndi zwone, i ḥani afha fhasi. Nomboro ya vhuvhili, raru, ina, ḥanu. Zwino, na, inwi, muńwe muthu iđani

hafha ni vha dzhie. Zwino ri ṭoda iñwe na iñwe ya garaṭa dza thabelo, fhedzi ri vha ṭoda vhoṭhe vha tshi ita muduba kha *holu* lurumbu. Thihi, mbili, raru, iña, thanu. Ndi khou vhona vhuraru hadzo. Huno garaṭa yanu ya thabelo, muñe wanga? Ina. Zwino hu na iñwe nthihi? Thanu, ndi uyo muthu a no khou da afho? Thihi, mbili, raru, iña, thanu. C, nomboro ya u thoma, mbili, raru, iña, thanu. Ndi zwone, zwino i ḥani sa musi no vhidzwa, nomboro yanu.

¹⁴⁵ Ngauralo, vhusiku ho fhiraho, ndo vha vhona fhasi hangei, vhatu vha tshi dala. A ri ṭodi hezwo. Hetshi ndi tshivhidzo, ni a ḥivha, husi holo. Ngauralo, ri—ri, ni tea u dzula no dzudzanea.

¹⁴⁶ Thihi, mbili, raru, iña, thanu, rathi, sumbe, malo, tahe, fumi. Zwino vha foliseni vhungā vha tshya murahu. Zwino, garaṭa ya thabelo ya vhurathi, sumbe, malo, tahe, fumi. Huno muñwe muthu u ḥo fara zwanda zwavho musi vha tshi wana... musi vha tshi fola n̄tha afho. Huno ri khou ya u vha rabelela.

¹⁴⁷ Ndi vhangana vha no khou ya u tenda na nñe zwino uri Murena Yesu u khou ya u ita mushumo muhulu? Ndi ḥo ita zweṭhe zwine ndi nga kona. Zwino rathi, sumbe; rathi, sumbe, malo, tahe, fumi, fumithihi, fumimbili, fumiraru, fumiña, fumiṭhanu.

¹⁴⁸ Zwino i ḥani u mona, ngauralo vha nga si vhe tshigwada nga khathihi, ni a ḥivha, na u mona na tsho. Ndi zwone zwe na fhelwa n̄omboro zwone, u ni dzudza kha oda, ni a ḥivha. Dzulelani vha nga u ralo uri si vhe... Zwenezwo samusi n̄omboro yanu i tshi vhidzwa, zwo luga, zwenezwo ni sokou da. Ndi zwone, nahone zwino ri ṭoda u...

¹⁴⁹ Zwino ndi ṭoda vhoṭhe, vhatu vhoṭhe, vha tshi vha vho fhumulaho vhukuma zwino. Huno ri ḥo rabela zwino nga ha, u swikela ri tshi wana avha vhatu vha tshi rabelelwa. Huno a ri ḥivhi zwine Murena a ḥo ita. A ri ḥivhi tshine A ḥo ita. Fhedzi ri Mu lavhelela u ita zwithu zwihulu.

¹⁵⁰ Zwino, ndi a tenda, fumiṭhanu, naa ndo no vha na vhanzhi nga haffo? Billy Paul, ni ngafhi? Ndi zwone. Fumiṭhanu, fumirathi, fumisumbe, fumimalo, fumiṭahe, fumbili.

¹⁵¹ Zwino, ni a vhona, vho no ḥi thoma u tsitsikana. Ngauralo zwino ndi khou ya u vha, khañwe, khamusi muñwe murathu, sa musi vhone vha tshi da fhasi magumoni a muduba, ni ri a vhidze n̄omboro i tevhelaho, inwi ni a vhona, ngauralo roṭhe ri nga si tee u ima, u ima henefho lwa tshikhala tshilapfusa musi ri tshi rabelela vha—vha—vhatu vhalwalaho. Zwo luga. Zwino ri ḥo—ri ḥo... Ndi ṭoda—ṭoda ni tshi...

¹⁵² Ndi khou ṭoda u amba na inwi musi vha tshi khou dzhenisa avho vhatu uri vha sa tsitsikane vhoṭhe fhethu huthihi.

¹⁵³ Zwino, a hu na na muthihi ano ḥo da u swikela yanu—yanu n̄omboro yo vhidzwa. Ro vhidza u swika kha fumiṭhanu, ndi a

tenda uri zwo ralo, kana fumbili, tshiñwe tshithu u ya phanda heneffho, ndi ðo amba u swika kha fumbili, huno zwenezwo kha ri lindele. Huno dzi ðo vha dzo eðana heneffho zwa zwino, tshiñwe na tshiñwe tshi re heneffho.

¹⁵⁴ Huno zwino ndi nngana garaña dzi re afho? Imisani zwanda zwañu. Huno ndi vhangana vha si na dzigaraña? Imisani zwanda zwañu.

¹⁵⁵ Zwino, elelwani, ani tei u vha na garaña ya thabelo. Ro no vha fhano vhusiku vhuvhili, huno vhusiku vhuñwe na vhuñwe Muya Mukhethwa wa bvela nnđa kha vhathetshelesi nahone wa fhodza vhathe, zwi si na ndavha uri vha na garaña dza thabelo. Izwo ndi zwone? Garaña ya thabelo i ita tshithu tshithihi fhedzi kha inwi, u ni thusa u dzhena kha muduba. Ndi zwone. Fhedzi ni na lutendo, huno ni sedza Muya Mukhethwa u tshi tutshela pulatifomo, heneffa, na u ya nnđa kha vhathetshelesi henengei. Ndi vhangana vha ñivhaho uri izwo ndi ngoho? [Tshivhidzo tshi ri, "Amene."—Mudz.]

¹⁵⁶ Zwino, ndi—ndi a tenda, u tenda ndo khwañha, arali ho vha hu na tshiñwe tshivhidzo nga nnđa ha tshivhidzo tsha Pentekostala, tshine ndi nga—ndi nga ya na u tenda khatsho, ndo vha ndi tshi ðo vha ndi natsho, arali ndo elekanya uri ho vha hu na tshiñwe tshithu tsha khwine. Huno musi ni tshi mpfa ndi tshi amba tshiñwe tshithu nga ha madzangano, na zwithu zwa u ralo, a thilwi na vhathe. Ndi ngauri...

¹⁵⁷ Mini-ha arali na vhona muthu ane na mu funa, nnđa kha tshikepe tshi tshi khou papamala fhasi kha magabelo, na ñivha uri tshikepe tshi khou ya ngwandamela nae, huno na ri, "Zwo luga, ndi a mu funa, fhedzi u—u na ndila dzawe"? Hai, ndi nga si ite hezwo. A zwi ho kha nñe. Ndi ðo zhamba, nda gidimela nnđa huno u mu fara, u mu dzinginyisa, u mu bvisa, kana tshiñwe tshithu-vho, u mu bvisela nnđa hafho, ni a vhona.

¹⁵⁸ Huno ndi a ñivha tshi nga si papamale kha magabelo. Ndi zwone. Zwi tea u vhuya murahu kha Kristo, sa ngoho sa tshiñwe na tshiñwe. Zwi tea u vhuya murahu kha—kha Mudzimu. Zwino ndo—ndo...

¹⁵⁹ Muthu muñwe na muñwe ngomu afha we a vha a hone kha miñangano yanga murahu, izwo ndi zwone? Imisani zwanda zwañu arali no vha ni kha miñangano. Zwo luga. A hu na tshiñwe...

¹⁶⁰ Hu na muthu o ðaho muswa we a vha a siho kha muñwe wa miñangano yanga murahu? Farani zwanda zwañu. Zwo luga, ni nga ita... Ndi nga si fanye... Tshifhinga tsha u thoma ni kha muñwe wa miñangano yanga? Imisani zwanda hafhu. Zwo luga, ndo—ndo ni vhudza, ndo...

¹⁶¹ Kharwe ndi khwiñe ndi tshi tshintsha hetshi tshithu. [Mukomana u ri, "Talutshedzani zwiñukunyana nga ha

vhushumeli haṇu.”—Mudz.] Zwo luga, ndi—ndi kheiṇe ndi tshi ralo.

¹⁶² Inwi, kha inwi vhathu vhe na sokou dzhena ngomu, ndi—ndi khou ya . . . Zwi khou ya u ndzhiela zwiṭukunyana, miniti I si gathi nyana. Irini ndi u ṭalutshedze, ngauri ni ḍo ṭuwa na vhudžipfi hu si hone, ni a vhona.

¹⁶³ Ndi a tenda kha nyito dzothe dza Mudzimu. Fhedzi ndi a tenda uri Bivhili yo ri fulufhedzisa, kha mađuvha a u fhedzisela, uri hu tea u vha, u vhuya hafhu, Tshivhidzo tshi ḍo tea u wana oda i fanaho na ye ya vha i hone, ine Yesu o i sia musi i tshi ṭutshela kule. Ni a vhona, ndi Muselwa, i tea u humela murahu kha uho vhuimo. Zwino, ri tea uya nga kha mishumo mihulu ya Mudzimu, nga kha u luga, vhukhethwa, ndovhedzo ya Muya Mukhethwa, u vhuyedzedzwa ha zwifhiwa. Fhedzi kha utevhela lutsinga lwa Abraham . . .

¹⁶⁴ Zwino, a thi ngo funzea, huno ngauralo ndi tea u shumisa tshiňwe tshithu vhunga Yohane Mulovhedzi. O vha a songo funzea, nae-vho. O ya sogani, a na miňwaha ya ṭahe, huno ha ngo fanywa a wana pfunzo. Ngauralo pfunzo dzawe dzi di sendeka kha mupo, “Yawe lushaka lwa dzinowa.” Ni a vhona, ndi thithu tsho vhifhesaho tshe a vhona, na u fhura, huno a vhidza avho vhotshifhe “dzinowa.” A ri, “Inwi murafho wa dzinowa, ndi nnyi we a ni tsivhudza u shavha kha mbiti i ḍaho? Ni songo thoma u amba u ri, ‘Ri na *itshi*, nahone ri wela kha *hetshi*.’ Mudzimu u a kona nga a ya matombo,” ndi zwe a vhona khunzikhunzini ya mulambo, “u vusela vhana vha Abraham. Huno, nahone, mbado,” ndi ye a shumisa sogani, “yo vhewa tsindeni la muri. Huno yothe miri i sa aŋwi mitshelo ya vhudi, yo tumulelwawa fhasi.” Ndi lushaka lwe a fhisa, huno a ita khuni dza u vhasa ngayo, ni a vhona. Fhedzi miri yavhudzi . . . O—o ita pfunzo dzawe vhunga hezwo.

¹⁶⁵ Ngauralo, kha hezwi, ndi ḍoda u—u zwi amba nga haya maitele. Ri kha tshifhinga tsha u fhedza, tshifhinga tsha khaṇo.

¹⁶⁶ Zwino, kha lwendo lwa Abraham, o ṭangana na Mudzimu u bva murahu kha zwivhumbeo zwo fhambanaho, na zwiňwevho, tshire ra nga tshi dzhia na u tshi sumbedza. Ri tou vha, ri Mbeu ya Abraham, arali ri kha Kristo. Huno Isaka o vha murwa wawe—wawe muṭuku; o vha e murwa wawe, lwa vhudzekani. Fhedzi, lwa tshimuya, Kristo o vha Mbeu ya Abraham, Mbeu ya vhuhosini, lutendo lwawe.

¹⁶⁷ Zwino ri wanulusa uri Mbeu ya vhuhosi yawe ndi, u enda lwendo lu fanaho, ndi, Muselwa wa Kristo u enda lwendo lu fanaho lwe Abraham a lu fara. Huno tshiga tsha u fhedza tshe Abraham a vhona, phanda ha musi murwa wa pfulufhedziso a tshi da, hovha hu musi Mudzimu o ḏivhonadza kha muvhili wa muthu, na Vharuṇwa vhavhili vha ḫa phasi.

¹⁶⁸ Yesu o ri, kha Luka Mukhethwa, ndima ya vhu¹⁷ na ndimana ya vhu³⁰, u ri, “Vhunga zwe ralo nga misi ya Noaxe.” O amba nga tshifhinga tsha Noaxe. Huno ha pfi, “Vhunga zwe ralo nga misi ya Sodoma,” ni a vhona, u Vhuya Hawe, “ngauralo zwi do vha nga u ralo mađuvhani a musi Murwa muthu a tshi dzumbululwa.” Zwino, Ha ngo ri “Murwa wa Mudzimu” a tshi dzumbululwa. “Murwa muthu!”

¹⁶⁹ Zwino, Yesu o da nga madzina mararu. Murwa muthu, ane a vha muporofita; Murwa wa Mudzimu, ane a do fhira nga kha tshikhathi tsha Tshivhidzo; zwenezwo Murwa wa Davita. Fhedzi nga vhukati ha Murwa wa Mudzimu na Murwa wa Davita, uya nga Ipfi Ławe, na uya nga Maleaxe ya vhu⁴ na Mañwalo manzhi, U do vhuya murahu kha Tshivhidzo Tshawe, nga tshivhumbeo tsha ńama, kha vhathu, kha...kha vhathu, nga ndila ya u vha muporofita. Ni a vhona?

¹⁷⁰ Huno sedzani zwe uyu Muthu a ita musi O ya fhasi u vhona Abraham. Tshithu tsha u thoma, O vhudza Abraham nga ha u tshintshwa ha dzina ławe, ngauri Ha ngo mu vhidza Abram, O mu vhidza Abraham. Huno musi O ita, mulandu, ri wanulusa uri—uri O ri, “U gai mufumakadzi wau, Sarah?” S-a-r-a-h; hu si S-a-r-r-a.

¹⁷¹ “Malandu,” a ri, “u denndeni murahu Hau.”

¹⁷² A ri zwino, u na fuṭahe huno Abraham o vha a na dana, huno A ri, “Zwino Ndi khou ya u u dalela u ya nga pfulufhedziso, tshifhinga tsha vhutshilo.”

¹⁷³ Huno Sarah nga ngomu, a Mu pfa, a thetshelesa nga kha mbondo dza dennde, huno a disetshela. Huno Muruňwa, Munna o dzulaho henefho, a ri, a ṭalukanya maya wawe nga murahu, murahu Hawe, huna a ri, “Ndi ngani Sarah o sea, a tshi amba nga ha izwo zwithu?”

¹⁷⁴ Zwo luga, vha vhidza Sarah, huno a zwi hana. A ri, “Fhedzi wo zwi ita.” O vha o tshuwa.

¹⁷⁵ Zwino Yesu a ri, phanda ha musi Murwa wa Mudzimu a tshi Da, kana Murwa wa...u Da ha vhuvhili, uri tshino tshikhathi tshine ra khou tshila khatšo... .

¹⁷⁶ O da sa Murwa muthu, muporofita, ngauri izwo zwi vuledza Luňwalo. Mushe o ri, “Murena Mudzimu waňu u do vusa muporofita a ngaho nne.” Roṭhe ri a zwi ḋivha uri uyo o vha a Yesu. A ri zwi ḋivhi? [Tshivhidzo tshi ri, “Amen.”—Mudz.] Ngauralo U tea u da u ya nga Luňwalo, muporofita. Ha ngo vhuya a ḋivhidza Murwa wa Mudzimu; o ḋivhidza Murwa muthu.

¹⁷⁷ Fhedzi zwino U ene, nga kha tshikhathi tsha Tshivhidzo zwino, O no vha Murwa wa Mudzimu. Nga Nwahagidi U do vha Murwa wa Davita, o dzula kha khuluŋoni ya Davita. Fhedzi

vhukati ha tshino tshifhinga, ri wanulusa nga Mañwalo, U do Didzumbulula hafhu sa Murwa muthu, muporofita.

¹⁷⁸ Ngauri, Ipfi la Murena li da kha vhaporofita fhedzi, hu si vho ratheologi. Li kha vhaporofita. Huno Murena u ri Ha iti tshithu, kha u sa shanduka ha Ipfi Lawe le ra amba ngalo, u swikela u thoma A tshi sumbedza vhaporofita Vhawe. Huno tshifhinga tsha u fhedza, ayo mupfundu a sumbe ane iyi Bivhili yo pfunela, zwiphiri zwa sumbe zwa zwothe zwa Kristo, zwi tea u dzumbululwa u thoma, huno zwi nga qiswa fhedzi kha muporofita. Ro lavhelesa hezwo, lwa miñwaha, huno ri a tenda uri Muya Wawe u kha riñe zwino, ngauralo ri a wana.

¹⁷⁹ Zwino sedzani musi Yesu a tshi da, sedzani zwine A ita u sumbedza Ene muñe u vha uyo Messia, Uyo Mułodzwa. Linwe duvha, phanda ha musi O ḥanganedza... Khotsi o da fhasi huno u dzula Khae, nga tshivhumbeo tsha liivha li tshi tsa fhasi li tshi bva Tadulu, li tshi ri, "Uyu ndi Murwa Wangane nda mu funa, Khae Ndi takalela u dzula."

¹⁸⁰ Ndi yone mbuno ye ya itisa uri A ri, "Nñe na Khotsi Anga ri Vhathihi. Khotsi Anga vha dzula kha Nñe. A si Nñe a itaho mishumo; ndi Khotsi Anga we a dzula kha Nñe."

¹⁸¹ Yohane o bvisa vhutanzi, u vhona uyo Muya wa Mudzimu, vhunga liivha, u tshi tsa. Ipfi la bva Khalo, li tshi ri, "Uyu ndi Murwa Wangane nda mu funa huno Khae Ndi takalela u dzula." Ni a vhona, huno A dzula Khae.

¹⁸² Zwino sedzani musi vhushumeli Hawe vhu tshi thoma, O tea u ḥana Murwa muthu zwino. Zwino sedzani zwe A ita. Heneffo hu da munna nga dzina la Simoni Petro. Dzina lawe lo vha li Simoni nga itscho tshifhinga, nga murahu a vhidzwa Petro. Andiria o vha a muñanganoni wa Yohane; huno zwenezwo musi Yesu a tshi da, huno Yohane a Mu ñivhadza, a Mu vhona. Huno Andiria a humbela mukomana wawe, Simoni, uya muñanganoni nae.

¹⁸³ Huno o vha o no vhudzwa nga khotsi avho, vhunga o amba u ri, "Hu do da tshifhinga, phanda ha musi Messia wa vhukuma a tshi da, uri hu do vuwa vhomessia vhanzhi vha u zwifha." Heneffo zwi do dzulela u vha nga iyo ndila. A ri, "Fhedzi, vharwa, elelwani, Messia wa vhukuma, ni do Mu ñivha ngauri U do da uya nga Luriwalo. U do vha muporofita. Zwino, a ri ngo vha na muporofita lwa madana na madana na mañana a miñwaha, u bva tsha Maleaxi. Fhedzi hu do vha vhatu vhanzhi vha no do di ita mbilo, zwine ra ñivha uri zwo vha zwo ralo; ho vha hu na Yesu o vuwaho nahone a hwala tshigwada, na zwiñwevhho. Fhedzi uyu Messia wa vhukuma u do vha muporofita." Huno Vhaheberu vhothe vho funzwa u tenda uri zwine vhaporofita vha amba ndi ngoho.

¹⁸⁴ [Tshikhala kha theiphi—Mudz.] Zwenezwo munna wa murei wa khovhe a songo funzeaho, ane ro vhudzwa uri hana pfunzo

yo linganaho u ñwala dzina lawe, Bivhili i ri o vha a zwoþhe “u sa vha na ndivho na u sa guda,” o limuwa hoyo u vha Murwa wa Mudzimu. O limuwa uyo u vha Messia, ngauri ho vha hu na muporofita. Ho vha hu na Muñwe Ane o mu vhudza dzina lawe, nahone a vhudzwa zwe dzina la khotsi awe la vha li zwone. Zwenezwo o ðivha uri uyo u tea u vha muporofita, ngauri hoyu Muthu o vha a sa mu ðivhi. Huno o ñewa na kholo dza Muvhuso.

¹⁸⁵ Huno ri wanulusa ho vha hu na muñwe o ima heneffo a tshi khou thetselesa hezwo, huno muñwe nga dzina la Filipi, ane o vha a na... o vha a na ngudo ya Bivhili na khonani, nga dzina la Nathaniele, vha tshi khou toda Messia. Ngauralo a gidima u mona na thavha, nga ha lwendo lwa ðuvha, huno a vhuya murahu. Huno a wana hoyu Nathaniele fhasi ha—ha muri wa muhuyu, a tshi khou rabela. Huno a ri, “Ida, u vhone we ra Mu wana, Yesu wa Nazaretha murwa wa Yosefa.” Ngauralo Nathaniele a tshi vha wa... kana Filipi kana...

¹⁸⁶ Nathaniele, kha ndi ralo, e munna wa vhudi, a ri, “Zwino, hu nga vha na tshithu tshavhuði tshine tshi nga bva Nazaretha?”

A ri, “Zwo luga,” a ri, “sokou ða u vhone.”

¹⁸⁷ Zwino, ndi tsivhudzo yavhuði. Ida, u di vhonele. Ni songo dzula hayani na sathula. Ida, u wanuluse. “Fhendani Mañwalo, khao ni elekanya uri ni na Vhutshilo Vhu Sa Fheli.” Yesu a ri, “One ndi A no Ntanziela.”

¹⁸⁸ Ngauralo kha ñdila yau humela murahu, hu si na u timatima, vho vha na u amba huþuku. O mu vhudza, ha pfi, “Uya ðivha ula murei wa khovhe wa kale we a kundelwa na u saina thikhithi ya khovhe ye na vha nayo lia ðuvha? O mu vhudza. U ya ðivha uri khotsi awe o vha e nþha ngei tshivhidzoni, dzina lawe lo vha li Jonas. Ni a elelwa? Ngauralo, O—O—O mu vhudza zwe avha a zwone.”

“Oo, ndi ðo tea u vhon a hezwo.”

¹⁸⁹ Ngauralo musi a tshi tshimbila e gonya nþha, khañwe o vha a kha muduba wa thabelo, he Yesu a vha e hone. A thi ðivhi. O tshimbilela kha Vhubone ha Yesu. Yesu a mu lavhelesa, nahone a ri, “Vhonani Muisiraele, ane khae a hunu vhukwila!”

¹⁹⁰ Zwino, fhethu ha u ranga, ni ri, “O Zwi ðivha hani uri ndi Muisiraele? Zwo ralo, ngauri o vha o ambara?” Hai, hai.

¹⁹¹ Vhoþhe vha Vhubvaðuvha vha ambara hedzo khanzu. Vha ambara u fana. Huno a ri, “Muisiraele.”

¹⁹² Huno A ri, “A hu na vhukwila!” A nga ðivha o vha wavhukwala kana tshiñwe tshithu, zwenezwo o vha a tshi ðo vha o ðaniwa. A ri, “Ane khae a hu na vhukwila!”

¹⁹³ Huno ngauralo hezwo zwo nga u bvisa tshitatshi kha Nathaniele, zwino a ri, “Mufunzi, na Wo nnðivha lini? Mulandu, a—a—a thi zwi wani hezwi. Wo vhuya Wa nnðivha lini? A thi athu

ṭangana na Iwe. Nne ndo ḥiswa fhano nga Filipi. Naa wo vhuya Wa zwi ḥivha lini?"

¹⁹⁴ A ri, "Nga murahu ha musi u fhasi ha muri wa muhuyu, musi u heneffho utshi khou rabela, ndo u vhona." Iina. Ni a vhona?

¹⁹⁵ A ri, "Mufunzi, Iwe u Murwa wa Mudzimu. Iwe u Khosi ya Israele."

¹⁹⁶ Yesu a ri, "Ngauri ndo u vhudza hezwi, wo tenda? Zwenezwo u ḥo vhona zwiḥulwane kha hezwi."

¹⁹⁷ Zwino, ho vha hu na vhañwe vho imaho heneffho. Zwino imani ndi ni fhe tsivhudzo thukhunyana. Ho vha hu na vhañwe vho imaho heneffho, vhafunzi na vhotshifhe, huno vha ri, "Hoyu Muthu u ita hezwi nga Belesebulu."

¹⁹⁸ Huno Yesu a rembuluwa a ri, "Ndi ḥo ni hangwela kha hezwo," ngauri tshipfumelelo tsho vha tshi sa athu itiwa, "fhedzi liñwe duvha Muya Mukhetwa u ḥo da wa ita zwithu zwithihi," A ri, "huno u amba ipfi lithihi li tshi lwa na Hezwo, a ni nga hangwelwi khazwo kha heli shango na kha li daho."

Uya na kha mufumakadzi tshisimani, wa Musamaria.

¹⁹⁹ Zwino, ho vha hu na tshaka tharu dza vhathe shangoni. Ri nga vha ri vharema, buraunu, dzivha la muṭada, zwiñwe na zwiñwe zwine ra vha, fhedzi ri bva kha malofha mathihi. Huno hu na tshaka tharu, dzine dza bva kha vhathe vha Hamu, Shemu, na Yafete; huno ndi Vhayuda, Vhannda, na Vhasamaria, e hafu Muyuda na Wannda.

²⁰⁰ Zwino, rine Vhannda, Anglo-Saxon, ro vha ri vhahedeni, ri tshi losha midzimu i sili. Ro vha ri sa khou ḥoda muñwe Messia.

²⁰¹ Zwino musi Yesu a tshi Didzumbulula sa Murwa muthu... Zwino thetshellesani nga vhuroñwane, huno ndi ḥo vala. Musi Yesu a tshi ḥa, O vha a tshi tou vhofhea u sumbedza zwe muporofita a ri U ḥovha, zwino heneffho phanda ha Israele A di sumbedzisa Ene muñe, phanda ha Petro na Nathaniele na vhañwe heneffho, sa Murwa muthu.

²⁰² Zwino U na ḥodea ya u yo fhira nga Samaria. Huno A ya n̄tha Samaria, huno heneffho A wana mufumakadzi o dzula tshisimani. Ri a ḥivha nganea, huno samusi a tshi, vha amba vhoṭhe. O ḥa u ka mađi. A ri, "Mpheni mađi."

²⁰³ Huno a ri, "Zwino, hu na phandekano hafha, ri nga si vhe na hezwi. Huno nne ndi mufumakadzi wa Musamaria, huno Iwe u Muyuda. A ri na..."

²⁰⁴ A ri, "Fhedzi arali wo vha u tshi ḥivha Ane wa khou amba nae, wo vha U tshi ḥo nkhumbele mađi."

²⁰⁵ A ri, "Zwo luga, tshisima tsho tsa, U ḥo ka nga mini?"

²⁰⁶ Huno nyambedzano ya bvela phanda u swika A tshi kwama maya wawe. Huno musi A tshi kwama maya wawe, A wana uri thaidzo yawe ho vha hu mini. Ndi vhangana vhane vha

zwi ḋivha izwo? [Tshivhidzo tshi ri, “Amene.”—Mudz.] Huno ndi vhangana kha vhoiñwi vhaswa vhane vha ḋivha uri izwo ndi ngoho? [“Amene.”] Hezwo ndi zwone, hezwo zwe vha zwi ngoho.

Nahone O ri mini? “Iya u yo dzhia munna wau u de nae.”

A ri, “A thi na munna.”

²⁰⁷ Huno Ene a ri, “Iwe wo amba zwone. Ngauri wo no vha na vhangana vhaṭanu, hafhu ane wa khou tshila nae zwino a si munna wau.” A rembuluwa.

²⁰⁸ Zwino, o vha a sa ngi avho vhotshifhe, vhe vha ri, “U na diabolo. Ndi mudzia u bvumba kana tshiñwe tshithu.”

²⁰⁹ A rembuluwa, huno a ri, “Muñe wanga, ndi limuwa uri U muporofita. Zwino, a ri athu vha na muthihi lwa miñwaha ya mađana maña. Tshivhidzo a tshi e athu ḋowela zwe raliho. Fhedzi ri a limuwa, ndi a limuwa uri U muporofita. Zwino, ndi a ḋiyha uri ri khou ḫoda Messia. Huno musi Messia a tshi ḫa, hezwo ndi zwone zwine ḫo ita.”

²¹⁰ Zwino Bivhili i ri, “Ha shanduki mulovha, ḥamusi, na lini na lini.” Arali hetshila tsho vha tshi tshiga tsho ḫoliswaho tsha Messia murahu hangei, kha Vhasamaria na Vhayuda. . . . Zwino, a tshi athu itwa kha Vhannda. A hu na na huthihi kha Bivhili he Yesu a vhuya a zwi ita kha Vhannda. Vho vha na miñwaha ya zwigidi zwiñā zwau ḫoda Messia; ro vha na miñwaha ya zwigidi zwivhili, vha na kugudiselwe kwavho, navho, u ḫoda Messia.

²¹¹ Zwino, arali hezwo ho vha hu ḫaluso Yawe nga murahu ha musi mađuvha avho a sa athu fhela, zwi tea u vha ḫaluso yashu, ngauri O fulufhedzisa uri Murwa muthu u ḫo ḫidzumbulula hafhu mađuvhani ane shango ḫado nga sa Sodoma hafhu. Huno muñwe na muñwe u ya zwi ḋivha uri ri heneffo. Ni a vhona?

²¹² Zwino, ndi a tenda uri Yesu Kristo u e vhulunga Ipfi linwe na linwe. Mañwalo othe o ḫutuwedzwa. A thi tendi uri ri na pfanelo nthihi, huno ri ḫo haṭulelwazwezwo, arali ra engedza ipfi lithihi Khaļo kana ra tusa Ipfi lithihi Khaļo. Nzumbululo 22 i ralo. Ndi a tenda Ha shanduki mulovha, ḥamusi, na lini na lini.

²¹³ Zwavhukuma ndi hulisa Vhaluṭere nga vhuimo havho nga ḫuvha ḫavho, Methodisi kha u khethefhadzwa nga ḫuvha ḫavho, na Pentekostaļa nga vhuimo havho nga ḫuvha ḫavho, fhedzi ri khou tshila kha linwe ḫuvha. Ri khou tshila musi ho no vha na maña, malelevudze, na ganda, tshoṭhe u tou fana na Goroi, fhedzi Goroi i ngomu ha ganda. Ganda ḫo tou tikedza Goroi, u thivhela ḫuvha lifhisaho kha u I fhisa. Huno zwino dinomineisheni i khou kokodzela kule khayo, ngauralo uri I ḫo kona u dzula kha Vhuhone ha Murwa, uri i vhibve. Ngauralo ri kha—ri kha. . . . A hu ngavhi na mañwe madzangano a no ḫo vuwa. Hezwi ndi u guma hazwo. Ro vha na, tshifhinga tshoṭhe nga miñwaha miraru, musi mulaedza wo thoma, vha ya u dzudzanya.

²¹⁴ Hezwi zwi khou ya phanda u swika tsini ha miñwaha ya fumbili, huno hu si na madzangano. Zwi nga si kone. Ri kha tshifhinga tsha Goroi, tshifhinga tsha khaño. Ndi nga pfa u tanganywa huhulu hu tshi da. Ri khou ya Hayani liñwe ñuvha. “Ha shanduki mulovha, na lini na lini.”

²¹⁵ Zwino, a thi Ene, fhedzi ndi mudinda Wawe. A thi tendi uri ni vhea zwanda kha vhathu na vha fha zwifhiwa. “Zwifhiwa na mbidzo zwi nnnda ha thembuluwo.” Zwi tou tiwa, nga Mudzimu, u swikelela tshikhathi na tshifhinga tsha itsho tshikhathi. Mutshudeni muñwe na muñwe wa Bivhili u a divha uri izwo ndi ngoho. Mushe o bebwa nga tshifhinga. Yeremia, nga tshifhinga, vhañwe. Yohane Mulovhedzi, nga tshifhinga. Yesu o vha nga tshifhinga. Nahone na riñe nga tshifhinga. Hezwi ndi zwine zwa tea u itea.

²¹⁶ Zwino, ndi whila uri U khou tshila ñamusi, na Muya Wawe. Murahu ha zwikhathi zwa tshivhidzo, ri khou tshila kha tshikhathi tsha tshivhidzo tsha Laodekia, u vhidza ha u fhedza, nahone tsho ñanesaho tshazwo, ngauri O bviselwa nnnda ha tshivhidzo. Elelwani, Murwa muthu, huno O bviselwa nnnda ha tshivhidzo; hu si kha dzangano u bva kha dzangano, fhedzi Muthu u bva kha dzangano. Ni a vhona? A hu na na zwiñwe zwikhathi zwa tshivhidzo zwe vhaho na hezwo, ndi Laodekia fhedzi. Arali ni wa maya, ni ño pfesesha.

²¹⁷ Khotsi ashu wa Tađulu, zwino ndo ñanziela e Iwe ngangoho. Zwino arali izwi zwi ngoho, zwine nda ñivha uri ndi yone, Murena, ndi a tenda ndi ngoho, Iwe ñanziela uri ndo amba Ngoho. Dzinani la Yesu Kristo. Amen.

²¹⁸ Ndi khou ya u humbelu tshinwe tshithu, lwa tshifhinganyana. Ndo vha ndi si khou ya u vha na huñwe u talukanya kha muduba, ngauri ndo humbulela uri inwi nothe no vha ni kha vhushumeli hanga. Fhedzi kha avho vhathu vha re afha, irani vhañwe vha vhathu nnnda afho vhaye u rabela, huno ni ri muñwe muthihi kha muduba, kana tshinwe tshithu. Huno zwino arali Yesu Kristo a dzhia uyu muthu. Zwi nga si shume hu si na inwi. Ndi inwi a zwi itaho.

²¹⁹ Zwino, thetshelesani, mufumakadzi o kwama nguvho Yawe, liñwe ñuvha, huno A rembuluwa, a ri, “Ndi nnyi o Nkwamaho?”

²²⁰ Vhothe vha ri, “Malandu, U vhonala . . .” Kana, Petro a ri, “Malandu, gogo lothe li khou U kwama.”

²²¹ A ri, “Fhedzi Ndi a ñivha uri Ndo fhelelwa nga nungo, kana nungo dzo tuwa kha Nne.” Nungo ndi “maanda.” Huno a ri, “Ndi a ñivha uri Ndo—Ndo fhelelwa nga nungo.”

²²² Huno ngauralo A lavhelesa u mona, kha musadzi, u swikela A tshi mu wana, huno a mu vhudza nga ha thaidzo yawe ya malofha. Na uri o . . . A ri, “Lutendo lwau lwo u tshidza.” Zwo luga.

²²³ Zwino, Ha shanduki mulovha, ḥamusi, na lini na lini. Huno Testamennde Ntswa, Bugu ya Vhaheberu, i amba hezwo, “Zwino U Tshifhe Muhulu a tshi khou ni rabelela, ane a kwamiwa nga zwipfi zwa u shaya nungo hanu.”

Zwino, hafha, naa uyo—naa uyo ndi muñwe wa vhalwadze? Idani.

²²⁴ Zwino, kha vhathetshelesi. A thi iteli hezwi ṭano, dzikhonani. Zwino imani u elekanya hezwo. Elelwani, ndi a wana ngelekanyo dzanu. Ndi vha ngana vha ḫivhaho uri izwo ndi ngoho, huno ni a zwi vhona? [Tshivhido tshi ri, “Amene.”—Mudz.]

²²⁵ Hafha ndi mufumakadzi ane a thi—a thi athu u mu vhona. A thi ḫivhi tshithu na tshithihi nga ha hoyu mufumakadzi. Ro bebwa dzimaela khulu kule na kule, na miñwaha minzhi kule na kule, huno hafha ro ima afha madekwana a ḥamusi. Ri vhatsinda muñwe kha muñwe. A thi ni divhi. Zwino, a thi na muhumbulo. Hafha, hafha ndi—hafha ndi Yohane Mukhethwa ya vhu4 hafhu, mu—munna u ṭangana na mufumakadzi. Zwino, a thi Yesu nahone a si u la musadzi. Fhedzi hafha ndi u fana. Huno A ri, “Mishumo ine Nda ita ni do i ita-vho.” Zwino, a thi divhi. Zwi dzhia lutendo lwa uyu mufumakadzi u zwi ita. A thi ḫivhi tshithu nga hae. Fhedzi zwino arali ndo amba zwine zwa vha ngoho, zwenezwo Mudzimu u a vhofhea u ita...uri hezwi zwe lulama. Zwino, ndi sa ni ḫivhi, arali Mudzimu wa Ṭadulu...

²²⁶ Huno ndo amba Ngoho. Ni a tenda uri zwine nda khou amba nga ha hezwo ndi Ngoho? Ni ṭanganedza izwo u vha ngoho? [Khaladzi u ri, “Ndi a zwi tenda.”—Mudz.] Ni a tenda izwo? Ndi nga si ime hafha phanda ha Bivhili Khethwa huno ndi tshi lingedza u xedza muñwe muthu, muthu wa vhukale hu no nga hanga, huno nda ḫivha uri ndi tea u ṭangana na Mudzimu phanda kha Mbondo dza Khaṭhulo. Ri tea u ima henefho, linwe ḫuvha. Ri a zwi ḫivha hezwo.

²²⁷ Zwino arali Mudzimu a nga dzumbulula, kha nne, tshiñwe tshithu kha vhutshilo hanu, tshine na ḫivha uri a thi ḫivhi tshithu nga hatsho, ngauri a thi ni ḫivhi. Arali tshiñwe tshithu, tshi tea u vha tshiñwe tshithu vhutshiloni hanu. Tshine a thi ḫivhi tshithu nga hatsho. Tshi do tea u bva kha Maanda a ntha ha mupo. Huno zwenezwo zwi do bva kha inwi, zwine na humbula uri Maanda o vha e mini.

²²⁸ Zwino kha inwi vhathu vhaswa no ḫaho. Zwino ndo fara tshanda tshanga. Zwino, ndi kho tou humbela ni songo tshimbila tshimbila u mona zwino, ngauri, ni a vhona, ni myua ni nothe. Musi ndo rembuluwa, ni tou pfa u nga u—u kokodzwa u bva huñwe na huñwe. Ni a vhona, ni—ni muthu huno ni na mimuya. Huno ni myua. Arali ni songo ralo, no fa. Ngauralo ni tou ḫthonifha, lwa tshifhinganyana.

²²⁹ Huno inwi vhabha, rabelani. Ndo vha ndi songo lavhelela hezwi, a tho ngo vhuya nda dela hezwi madekwana a namusi, na khathihi. Ndo tou dela u rabelela vhalwadze. Fhedzi ndi vhaswa vho daho.

²³⁰ Zwino, ni a tenda izwo? Arali Murena a nga mmbudza uri thaidzo yanu ndi mini, kana zwine na vha ngazwo fhano, tshiñwe tshithu tshe na ita kana tshe na vha no tea u ita, kana—kana tshiñwe tshithu-vho, zwenezwo ni do tenda? Ndi zwone, ndi khou lingedza u davhidzana na muya wanu, inwi ni a vhona. Ndi zwine nda khou lingedza u ita. Vhunga zwe A ita mufumakadzi tshisimani, O amba nae zwitukunyana, ni a vhona, O vha a tshi khou humbela madi. Huno ndi zwine nda khou lingedza u ita, ndi u wana muhumbulo wanu, hu si u vhala muhumbulo wanu; fhedzi u lingedza vhunga O ita, u divha ngelekanyo dzanu.

²³¹ Ni fhano nga nthani ha nyimele ya thumbuni. Ni na thaidzo ya thumbuni. Ndi zwone. Imisan tshanda tshanu arali izwo zwi ngoho. Ni a tenda zwino? Hu si hezwo fhedzi, fhedzi ni na ndala ya tshiñwe tshithu-vho. Ni khou toda ndovhedzo ya Muya Mukhethwa. Dzungudzani tshanda tshanu arali izwo zwi ngoho. Ni a vhona? Ndo vhona itscho Tshedza tshi tshi tsela fhasi khae, huno zwenezwo tsha humela murahu, ni a vhona. Tshimbilani huno ni yo tanganedza Muya Mukhethwa, Dzinani la Yesu Kristo, phindulo.

²³² Ni a tenda zwino, vhaswa vho daho? [Tshivhidzo tshi ri, “Amene.”—Mudz.] Zwino ni ri . . .

²³³ Zwino hafha, ni vhona, musi iyi ndodzo i tshi thoma, zwenezwo afha I ya tuwa. Ni a vhona, nga tshihadu mufumakadzi o ima, u heneffo, u hone zwino . . . O limuwa uri huna Tshiñwe tshithu u mona nae.

²³⁴ Ndi vhangana vho no vhonaho tshifanyiso tsha Khavhu ya Mulilo, itscho Tshedza heneffo? Ngei Washington D.C. Ni a vhona? Zwino ndi tama . . . Ndi linwe sia, vhunga. Ndo lavhelesa Khayo. Heneffo Yo nembelela hafha nga kha mufumakadzi. Ndo lavhelesa Khayo.

²³⁵ Zwino, ndi mutsinda tshothe kha uyu mufumakadzi. A thi mu divhi. Huno ndi khou tima-tima nga maanda uri kana u a nndivha, fhedzi nga u vha nda mianganoni. Ndi zwezwo fhedzi. Fhedzi arali Mudzimu a mmbudza tshiñwe tshithu nga ha inwi, kana tshiñwe tshithu vhunga tshifhinganyana tsho fhiraho, ni nga ntenda uri ndi muporofita Wawe, mudinda Wawe? Ni do tenda izwo nga mibilu yanu yoth? Zwo luga, ngavhe A tshi zwi tendela. No e, yo livhana na muaro, huno uyo muaro ndi nga ha tshanda tshanu. A hu na fhethu khavho, fhedzi ndi nyimele ya zwipfi kha tshanda tshanu. Yo vhangwa nga khombo, huno ni tewa u itwa muaro. Ni a tenda, huno a ni nga tewi u itwa muaro, arali ni tshi do tenda nga mibilu yanu yoth! Idani,

zwino. Ni a tenda pfulufhedziso Yawe? [Khaladzi u ri, “Ee, muñe wanga.”—Mudz.] Iina.

²³⁶ Itanu vha na lutendo zwino. Ni songo tima-tima. Itanu tenda. Zwino, hafha, irani uyu mufumakadzi muñwe muthihi, ngauri uyu mufumakadzi u kha nyimele ya shishi. Ni a vhona uyo murunzi mutswu? Ndi vhongana vho no vhonaho tshifanyiso tshi dzhiwaho tsha murunzi mutswu wa lufu? Wo nembelela kha mufumakadzi zwino. Arali Mudzimu a sa mu thusa, ha nga tshili. U na tshizwimbo. [Khaladzi u ri, “Ee!”—Mudzi.] Huno tshizwimbo tshi kha maluvhi. [“Ee!”] Uh-huh. Uh-huh. Uh-huh.

²³⁷ Mudzimu a Funeaho, arali U hone tsini zwino, ane wa ñivha zwithu zweþhe izwi, ndi a rabela, Mudzimu a Funeaho, uri U ðo fhodza khaladzi ashu. Irai a tshile, Khotsi, u itela vhugala Hau. Ndi humbela nga Dzina la Yesu Kristo. Amen.

²³⁸ Naa ni vuwa hani? U muthu wa vhuðisa. Arali mme vha kha di tshila, vho vha vha tshi ðo vha kha vhukale havho, ndi a humbulela. Vha Vhugalani, madekwana a ñamusi. Vho vha vha tshi dzulela u nthabelela musi ndi tshi ya mitanganoni. Nda ri kha Murena... [Khaladzi u ri, “Ndi na fumaloþhanu.”—Mudz.] Vhomme? [“Ndi na fumaloþhanu.”] Miñwaha ya fumaloþhanu. Fhaþutshedza mbilu yañu, khaladzi.

²³⁹ Zwino, ndi tou vha mutsinda tshoþhe kha inwi, ndi a humbulela. Ro fhambana nga miñwaha yashu. Huno a thi ni ñivhi. A thi athu ni vhona. Ri tou vha vhathu vhavhili vho tangaho kha lifhasi hafha, fhedzi ni Mukriste. Ni mutendi. Ngauri, mbuno ya uri ndi ñivhe hezwo, ndi zwipfi zwa muya wañu. Ni, no ntanganedza, ni a vhona. Huno ndi a tenda zwi ðo vha u Muya Mukhethwa, ngauri zwi ñea mishumo na nyito ya Muya Mukhethwa. Ni a vhona? Huno ndi a ñivha Ndi Ene. Ndi a ñivha uri hetshi tshithu tshire ra khou amba ngatsho ndi ngoho. Zwino, ndi a ñivha uri ndi ngoho.

²⁴⁰ Zwino, a thi ñivhi zwine zwi nga vha zwo khakhea. Fhedzi arali Murena Yesu a dzumbulula kha nñe zwo khakheaho kha inwi, naa... ni ðo ñivha uri kana zwo vha zwo lulama kana hai, kana a mmbudza tshiñwe tshithu tshe na ita, kana tshe na vha ni songo tea u ita. Ni a tenda uri ndi Murena Yesu muthihi a fanaho, Mudzimu muthihi we a vhudza Filipi he a vha e hone, a vhudza Simoni zwe dzina lawe la vha li zwone? Ni a Mu tenda u vha Muthihi a fanaho?

²⁴¹ Thaidzo yañu ndi thaidzo ya bawele. [Khaladzi u ri, “Kokotolo.”—Mudz.] Zwo tou kokotolo. A si zwone? [“Ee, muñe wanga.”] Ni a ntenda zwino uri ndi muporofita Wawe? Dzina lañu ndi Vho-mme. Bayer, Vho-mme. Bayer; Bayer, vhunga e asipirini ya Bayer. Ndi zwone. Vho fhola. Bvelani phanda, Yesu Kristo o ni fhodza. Mudzimu a ni fhaþutshedze.

²⁴² Ni a tenda nga yañu yoþhe... Zwino arali na tou vha na lutendo, ni songo tima-tima!

²⁴³ Zwino, ngoho a ni fhano u itela inwi muñe. Ni fhano u itela muñwe muthu-vho. Ndi munna, nahone haho fhano, murathu. Uyo murathu u kha tshiimiswa tsha muhumbulo. Dzhiani iyo sagadugu ine na vha nayo tshandani tshanu, musi Muya u kha inwi, ni i rumele khae. Ni i vheye khae, ni songo tima-tima, u do bva kha tshiimiswa nahone a fhola. Ni a zwi tenda? Mudzimu a ni fhañutshedze.

²⁴⁴ Ni ri hezwo, “Ni amba, ‘Uyo Muruñwa, nga ḫuvha la u fhedza, O vha a na muñana Wawe wo furalela.’ Zwo luga, no lavhelesa.”

²⁴⁵ A thi nga sedzi kha uyu mufumakadzi. Ndo mu furalela. Zwino, mufumakadzi, uyo a re mulwadze, ni khou mpfa, irani “ee.” [Khaladzi u ri, “Ee.”—Mudz.] Arali Murena Yesu a dzumbululela thaidzo yanu, musi ndo lavhelesa ngeno thungo, ni do ḫivha uri kana ndi ngoho kana hai. Naa izwo ndi ngoho? Ni a tenda zwenezwo uri ndi u vuledza zwe Yesu a amba, “Zwi do itwa maduvhani a u fhedzisela, vhunga zwo ralo misi ya Sodoma”? Ni do zwi tenda? Ni na thaidzo ya tshifumakadzini, thaidzo ya tshisadzi. Tendani nga mbilu yanu yothe zwino, i do ṭuwa huno ni nga ya hayani nahone na fhola. Mudzimu a u fhañutshedze.

“Arali iwe u tshi nga tenda!”

²⁴⁶ Ni a tenda uri Mudzimu u do fhodza iyo thaidzo ya mbilu? Zwo luga, bvelani phanda na u tshimbila, ni tshi amba u ri, “Ndo livhuwa, Murena!” Tendani!

²⁴⁷ U bva nga matsheloni, ni a kondelwa u sudzuluwa. Vhulwadze ha marambo ndi tshithu tsho vhfihaho, fhedzi Yesu Kristo ndi Mufhodzi wa vhulwadze ha marambo. Ni a tenda izwo? No bva kha u zwimba, nga matungo, u tsa phasi. Ndi ni vhona ni khou ita hezwo. A ni nga tei u ita hezwo na khathihi, arali ni tshi do tenda. Ni a tenda uri ndo rumelwa iyi ndivho? [Khaladzi u ri, “Ndi a ralo.”—Mudz.] Zwenezwo, nga Dzina la Yesu Kristo, ngavhe vhu tshi mu ṭutshela. Amen.

²⁴⁸ Ni na thaidzo ya thumbuni. Ni a tenda uri Mudzimu u do ni tendela u ya hayani, ilani tshialelo, ni do pfa ni wa vhudi? Bvelani phanda kha ndila yanu, u la tshilalelo tshanu, tendani nahone ni do pfa ni wa vhudi.

²⁴⁹ Ni na u shaya nungo hu no da kha inwi, ndi zwone, ngauri mbilu yanu a si ya vhudi. Ndi zwone. A ni tshe nazwo zwino na khathihi. Tshimbilani, ni zwi tende.

²⁵⁰ Mini-ha arali ndi songo amba na inwi, nda sokou vheya zwanda kha inwi, ni do ntenda, na-inwi, uri ni do wana phodzo yanu? Idani hafha.

²⁵¹ Khotsi wa Ṭadulu a Funeaho, ndi a rabela uri U do fhodza mufumakadzi na u mu ita uri a fhole, nga kha Dzina la Yesu Kristo. Amen.

²⁵² Ndi vhangana vhathu vha tendaho hafha, ndi vhangana vha vhoiñwi vhathu vhaswa, vhathu noþe?

²⁵³ Dzonu elekanya, huno ndi a kondelwa u vhona vhathu vha ðaho zwino. Edzonu elelwa, mbono lithihi lo itisa uri Murena Yesu a shaye nungo. Ndi vhangana vha ðivhaho izwo? Musadzi muthihi o Mu kwama. Daniele o vhona bono huno lo khakhisa muhumbulo wawe, thoho yawe, lwa maðuvhamanzhi. Ndi vhangana vha ðivhaho izwo? [Tshivhidzo tshi ri, "Amene."—Mudz.] Ni a vhona? Zwo luga.

²⁵⁴ Zwino ndi vhangana vha vhoiñwi vhathu vha zwi tendaho, uri uyu ndi Muya Mukhethwa? Ni a tenda nga yoþe yañu... Hu si nne, zwino. Muya Mukhethwa! Zwino hafha ndi munna o dzula hafha ane a tenda hezwo, nae-vho.

²⁵⁵ Zwino vhañwe, zwino vhañwe vhanzhi vhañu vhathu vho wanaho garaþa dza thabelo, ndi þoda muthu muñwe na muñwe ake a khou ya u vha kha uyu muðuba wa thabelo, imani nga milenzhe yañu, lwa tshifhinganyana.

²⁵⁶ Lavhelesani, ndi þoda u ni vhudzisa mbudziso yavhudi. Naa no no ðibula zwivhi zwañu zweþhe zwi re heneþho? Ni a tenda? No ðibula, huno ni-ni a tenda uri ni khou ya u fhodzwa? No bula zwivhi zwañu zweþhe na lulamisa zweþhe zwo khakheaho? Imisani zwanda zwañu, arali no zwi ita, phanda ha Mudzimu, ni a tenda izwo.

²⁵⁷ Huno zwino na zwanda zwañu zwi nthia, na-hone, ni a tenda uri zwi ðo dzhia Muya Mukhethwa, huno uyu ndi Muya Mukhethwa une wa khou ðidzumbulula Wone une vhukati hanu? Ni a tenda izwo nga mbilu yañu yoþe? [Tshivhidzo tshi ri, "Amene."—Mudz.] Ni a ralo? Zwenezwo muñwe na muñwe wañu u ðo fhodzwa.

²⁵⁸ Zwino ni na lutendo na vhudifhulufheli kha avha vhashumeli vho dzulaho hafha? Ni a vha tenda avha vhanna, na-vho? Mini-ha nga u ni rabelela, muñwe na muñwe, huno zwenezwo u ni tendela u ða huno vha ni vhea zwanda.

²⁵⁹ Hezwi zwi nnyita uri ndi fhelelwa nga nungo. Zwi tou bvela phanda vhunga hezwo, zwi tou—zwi tou nngwana.

²⁶⁰ Huno ndi—ndi khou ya Afrika Tshipembe nga murahu ha hezwi. Ngauri, yawe, nñe nñe, ni a ðivha uri zwi hani fhasi heneþho hune ni nga si kone u amba na vhathu. Huno heneþho hu vha... Ri khou sokou lavhelela fhedzi maðana mararu a tshigidi, muñangano muthihi.

²⁶¹ Ngauralo itanu tenda fhedzi! Ni fhano Amerika, no Zwi vhona ngomu na nnða.

²⁶² Mudzimu a Funeaho, avho vhathu vha na ðhodea. Huno a thi ðivhi tshiñwe tshithu-vho tshire Wa nga ita, Khotsi, u tshi tikedza nga Ipfi Lau khavho, uri U Mudzimu a sa shanduki. Ndi a tenda uri ro vhona zwithu zwinzhi zwihulu, Murena, na

u la ṭafulani Yau, na u qifha hu ngafho, zwīliwa zwa U Ya Nga Ḧu Sa Fheli zwa vhuđi zwa Vhutshilo, u swikela ri tshi vha...na u vha nga maandesa ri Zwi dowelaho. Zwi—zwi vha zwithu zwo ḍoweleaho. A ri koni, a ri di Khazwo nga ndila yone, Murena, musi ri tshi vhona. Naho nda humbula nga ha nne muñe ndo ima hafha, ndi tea u vha kha magona anga, u divha uri hafha uyo Muya we wa Mu vusa vhafuni wo ima hafha. Muya wo vha u Khae musi A khou tshila fhano kha lifhasi, u henefha zwino. Huno rine, vhatazwivhi vha ḫungufhadzaho vha songo fanelwaho, nga kha tshilidzi Tshawe na khathutshelo, O renga matshilo ashu. Huno ri fhano, ḥamusi, u bvela phanda na mushumo Wawe, vhunga O amba uri ri ḫo bvela phanda kha mushumo Wawe. “Mishumo Ine nda ita ni ḫo ita-vho.” U fulufhedzisa hezwo zwithu na u zwi tikedza, hafha kha heli shango! Murena, ndi a livhuwaho kha Iwe, uri ndi ḫo vhalwa kha tshipiđa tsha vhatu Vhau, kha ano mađuvha a u fhedzisela.

²⁶³ Mudzimu a Funeaho, havha vhatu vho imaho. Vha khou lwala, Khotsi. A thi na ndila ya u vha fhodza. Huno na Iwe a u koni zwino, Wo no di vha fhodza. Wo vhaiselwa u pfuka hashu, nga ntho Dzau ri a fhodzwa. Ngauralo, Khotsi, ndi a rabela uri muñwe na muñwe wavho a no khou fhira nga hafha, musi ri tshi khou ya u vha rabelela, uri vha ḫe vhunga vho vha vha fhasi ha tshifhambano zwino. Ngauri vha a divha, u fhira huñwe u tima-tima, Muya Mukhethwa wo khwañhisédzwaho u fhano kha pulatifomo. Kristo wa Mudzimu u kha muñtangano. Hangwela tshivhi tshiñwe na tshiñwe. Tusa u sa tenda hothe. Huno muñwe na muñwe wavho ngavhe a tshi fhodzwa vhunga vha tshi khou fhira nga kha uyu muduba. Nga Dzina ḥa Yesu Kristo, ndi a humbela. Amen.

²⁶⁴ [Murathu u ri, “Mukomana Branham, arali ra nga vha na muñwe na muñwe o dzula, huno ra dzhia tshipiđa tshithihi nga tshifhinga, nga iyo ndila zwenezwo vha nga si tsitsikane.”—Mudz.] Iina. Zwo luga.

²⁶⁵ Zwino ndi khou ḥoda u humbela tshiñwe tshithu. Ni ḫo, vharathu vhanga, no ima hafha na nne?

²⁶⁶ Inwi ni a vhona, hafha ndi tshithu tshithihi nga hazwo. Vhaivangeli vhanzhi vha ya doroboni, huno vha ita u rabelela vhalwadze hothe, na zwothe zwazwo. Huno musi tshivhidzo, musi tsho ḫuwa, vha—vha—vhatu vho fhaṭa fhedzi u mona kha muivangeli, ni a vhona. A zwo ngo ralo, vhatu. Avha vhanna, ndi a tima-tima muñwe na muñwe kha tshino tshikhathi... Ndi a zwi divha, huna u edzisela hunzhi, fhedzi a thi nga ambi zwe nda vha ndi khou ya u amba. Fhedzi avha vhanna zwi nga di itea vha si ite hezwo, ndi ngoho, nahone ndi khou zwi tima-tima nga maanda.

²⁶⁷ Fhedzi vho odeniwa nga Mudzimu, u vhea zwanda kha vhalwadze, vhunga nne kana muñwe na muñwe-vho. Mudzimu

u tou vhofhea u fhindula thabelo dzavho, vhunga A tshi vha kha thabelo iñwe na iñwe i re hone. Yesu o ñea ndaela, “Hezwi zwiga,” ha ngo ri zwi do tevhela William Branham, Oral Roberts, na vhañwe-vho, “zwi ðo tevhela vhane vha tenda.” Huno avha vhanna vho ðadzwa nga Muya wa Mudzimu. Ndi vhatu vho lovhedzwaho, nga Muya Mukhethwa u fanaho. Uyo Muya we wa vha u fhano u tshi khou ita uyo mushumo tshifhinganyana tsho fhiraho, U tshe fhano. U kha muñwe na muñwe wa avha vhanna, ni a vhona, nahone vho ðadzwa vhothe Ngawo. Ngauralo ndi khou ya u vha humbelu u ita muduba kavhili henefha, kha lurumbu lwa muduba hafha, arali vha tshi ðo ralo, ngauralo vha do vhea zwanda zwavho kha vhalwadze, na-vho, vhunga vha tshi khou fhira.

²⁶⁸ Huno vha òða avho vha re na garaña dza thabelo vha tshi ima, garaña dza thabelo fhedzi, u ima thungo kha luvhande. Huno vhañwe noþhe rabelani, lwa tshifhinganyana zwino. Imani, kha tshipida tshiñwe na tshiñwe, edzonu ima nnđa kha tshipida tsha lurumbu lwa monde. Imani nnđa, kha tshipida tshanu, huno zwenezwo vha ðo ni vhidza. Musi ni tshi vhona uyu muduba ntha hafha wo guma, irini *uyu* muduba u tshimbile kha uyo. Musi *uyu* muduba wo guma, irini *uyu* u tshimbile kha uyo.

²⁶⁹ Huno musi ni khou fhira ngawo zwino, elelwani, ni do tou dzhiya u tshimbila nga nnđa arali ni tshi tenda. Ndi vhangana vhañu vha no ðivha, ni tou zwi pfa mbiluni yanu, uri no rabela nga hazwo, huno ni khou ya u fhola nga u ñavhanya musi ni tshi fhira kha uyu muduba? Imisani tshañda tshanu, ni ri, “Ndo zwi ñanganedza, Kristo, zwino, ngauri Wo laela hezwi zwithu.”

²⁷⁰ Zwino ndi rabelela muñwe na muñwe wañu. Ri khou ya u rabela. Ndi khou ya u humbelu Khaladzi Rose kana onoyo a re kha ogene hafha, Khaladzi Rose, ni ngari tambela, *Nanga Khulwane Zwino I Tsini*, u itela riñe. Huno irani vhatu, vhañwe vhatu vhothe, vha vhe thabeloni. Huno emusi vha tshi fhira nga hoyu muduba wa thabelo, ndi a tenda muñwe na muñwe u khou ya u fhola. Mudzimu a ni fhañutshedze. Vhoinwi vhañwe vhatu noþhe zwino dzulani no kotamisa zwifhañuwo zwañu, huno ni vhe ni khou rabelela vhañwe.

²⁷¹ Ni vhe wa vhungoho. Ni a vhona, ndi nga ndila ye mureri wa Baphuthisi a wana Muya Mukhethwa, vhuñwe vhusiku. O vha a khou humbula nga hazwo, dzula hafha, e wa vhungoho vhukuma, huno Wo wela kha tshigwada tshavho tshoþhe. Ni tea u vha kha vhungoho na Mudzimu.

²⁷² Zwino U tikedza uri U fhano na inwi. U fhano. Zwino musi muthu muñwe e a tshi ni vhudza uri i tshi ndi tshigwada tsha u nyanyuwa, ni ðivha khwiñe zwino, a ni ralo, inwi vhaswa no ðaho? O ðikhwañisedza Ene muñe, ndi Ene. Huno a hu na muñwe-vho ane a nga zwi ita. Hezwi a zwo ngo itea u bva misi ya

vhaapostola. Zwino zwe vhuya murahu kha tshivhidzo, vhunga zwe fulufhedziswa. Murena a ni fhaṭutshedze zwino.

²⁷³ Zwino, inwi vhathu, sa musi ni tshi khou fhira kha uyu muduba, idani, ni tshi khou rabela. Muñwe na muñwe zwino, "Yone—yone Nanga khulwane zwino i tsini, Yesu a pfelaho vhuṭungu." Zwino musi ni tshi da, idani na zwifhaṭuwo zwanu zwe kotama, nga u ḡthonifha. Ni tshi fhira. Avha vhanna vha tshi vhea zwanda kha inwi, ni do fhola. [Tshikhala kha theiphi—Mudz.]

. . . -fhesaho kha vhaserafe . . .

. . . ? . . . Ndi zwone. Matshelo nga madekwana . . . ? . . .

²⁷⁴ [Tshikhala kha theiphi—Mudz.] . . . ? . . . tshithu. Fhedzi, tshithu tsho leluwaho tsha u pfa zwe Mudzimu a ri ni ite. Ndo no zwi vhona zwi tshi itea tshifhinga tshinzhi. Ni a vhona, Luñwalo a lu vhuyi lwa ri laela u rabelela vhathu, Lu tou amba, "Vheani zwanda kha vhalwadze, vha do fhola."

²⁷⁵ A si kale, yawe, ndi . . . A thi ambi kale. Fhundo li kha muhumbulo wanga zwino. Ndi miñwaha miraru kana miña yo fhiraho, kana minzhi. Ro vha ri heneffha California. Vhasadzi vhavhilli vha pfuka nga hanefho, muñwe wavho o vha—vha—vhana tshibvo kha tshifhaṭuwo tshawe, huno muñwe o vha a na thaidzo ya thumbuni. Huno vha tenda uri zwi do ralo. Nda vhea zwanda khavho, huno nda ri, "Zwino, ndi khou ita hezwi Dzinani la Murena Yesu."

²⁷⁶ Ho vha hu nga murahu ha nwedzi. Mufumakadzi o vha a khou lingedza u la, na iyo thaidzo ya thumbuni, o vha a nga si zwi ite. Mañwe matsheloni, "vhuḍipfi ho fholaho vhukuma ha da" ene, a ri, huno a ya u la. Huno a gidimela fhasi u vhudza mudzulatsini wawe, huno mudzulatsini wawe vho vha vha tshi khou fhufhura malagane, nga *heyi* ndila, u lingedza u wana tshibvo tshe tsha mu ḡtutshela uho vhusiku.

²⁷⁷ Ni a vhona, itanu tenda, dzikhonani. Arali O itela hezwo muthihi, U do zwi itela vhothe. Huno ndi tshithu tsho leluwaho tsha u vhea zwanda. Huno ndi zwe A amba uri zwi itwe. A ri divhi uri zwi shuma hani. A thi divhi uri zwi shuma hani. Itou vha pfulufhedziso Yawe. O ri zwi do zwi ita. Huno ndo wana fumi la zwigidi, u mona na shango, vha tou fhola. Mudzimu o fulufhedzisa u zwi ita, nahone ndi pfulufhedziso Yawe. Ni a vhona, ri tou tenda hezwo.

²⁷⁸ Zwino, ro da rothe hafha. Na inwi ane ni nga si kone u takuwa, sudzuluwelani n̄ha tsini, huno ri khou da u ni rabelela. Zwino ndi khou ḡoda muñwe na muñwe wanu vho inwi vhanna ni tshi ya phandanyana hafha, u vheya zwanda zwanu hafha, arali ni tshi funa, heneffho u mona. Huno ndi khou ḡoda u ima hafha nahone nda rabela, huno zwenezwo ndado nda e vhee zwanda zwanga khavho, na nñe-vho. Ndi zwone, sendelani hafha. Inwi

nōthe sudzuluwelani n̄ha tsini, ngauralo muthu mūwe na mūwe a nga swikelela zwino.

²⁷⁹ Mudzimu a Funeaho, nga Dzina la Yesu Kristo, ri a rabelela havha vhathu, vhañwe vhashvho vha na mathupho, u holefhala. Henefho zwanda zwa avho vhashumeli, Murena, zwi ya murahu na huñwe u bva kha muñwe u ya kha muñwe. Ndi a rabela uri U do fhodza muñwe na muñwe wavho, Murena. Irai Muya Mukhethwa u de kha avho vhathu, muñwe na muñwe wavho, Khotsi. Huno ngavhe Maanda mahulu a Mudzimu a tshi vha tsira zwa zwino, huno ngavhe vha tshi ya hayani huno vha fola. U divha hezwi, uri Yesu o ri, "Arali vha vhea zwanda zwavho kha vhalwadze, vha do fola." Wo zwi fulufhedzisa, Mudzimu a Funeaho. Ri a zwi tenda. Ri a zwi tenda, ngauri Wo amba nga u ralo huno ri a zwi divha uri zwe ralo, ngauralo avha vhathu kha vha fhole. Dzinani la Murena Yesu Kristo, ndi a vha fhatutshedza vhōthe. Amen.

²⁸⁰ Mudzimu a ni fhatutshedze. [Mukomana Branham na vhashumeli vha vheya zwanda kha vhalwadze na u rabelela vhathu. Tshikhala kha theiphi—Mudz.]

²⁸¹ Mbilu yanga yo ḥanganedza phodzo kha muñwe na muñwe wañu. Ndi a tenda hezwo. Naa ni do zwi tenda na nne, muñwe na muñwe wañu zwino? Ndi zwezwo fhedzi. Ndo ni vhudza ngoho, u ya nga hune nda divha. Ndi a ni funa, nahone Mudzimu a ni fhatutshedze. Huno ndi—ndi a tenda, nga mbilu yanga yōthe, ni khou ya u fola. Huno ngavhe phathutshedzo yanga i tshi vha na muñwe na muñwe wañu zwino. Ngavhe Mudzimu a tshi ni lavhelesa na u ni tsireledza. Ni thabeloni dzanga. Naa ni do nthabelela musi ndi Afrika nga u ralo? Ndi—ndi a ni funa. Huno ndi do ni vhona matshelo nga madekwana.



NAA MUDZIMU U YA SHANDUKISA MUHUMBULO WAWE? TSV65-0427
(Does God Change His Mind?)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Lavhuvhili, Lambamai 27, 1965, u itela guvhangano la Mafhungo Maqifha o Fhelelaho a Vhanna vha Bindu vha Vhučama ha Dzitshaka kha Hodela ya Embassy ngei Los Angeles, California, U.S.A., wo dzhīwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥhalutshedzo ya Tshivenda yo gandiswa huno ya phađaladzwa nga vha Voice Of God Recordings.

TSHIVENDA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org